

አሰመረ፡ ዓዲት ሺመት ፓትርያርክ ገብአት

ዓዲት ሺመት ብጹእ ወቅዱስ አቡነ ባሰልዮስ ቀዳማይ - 6ይ ፓትርያርክ ወርእሰ ሊቃነ ጳጳሳት ኦርቶዶክስ ተዋህዶ ቤተ-ክርስቲያን ኤረትሮፕ፡ ዮም 26 ጃንዋሪ ዲብ ርእሴ አድባራት ቤት ክስታን ደብረጽዮን ቅድስተ-ማርያም አሰመረ እብ ነደረት ተመት።

እተ እብ አሴራር ውሉድ ክህነት ደረሰ ሸባብ ቤት ምህሮ ሰንበት ለትተሌት ዓዲት፡ ርእሰ ኢሳይያስ አፍወርቂ ወውሳኤ ለብጹቶም ውቁላም ሰብ-ሰልጠት ሕኩመት ወጀብህት፡ ሊቃነጳጳሳት ወሚርሐት ደያናት ኤረትሮፕ፡ ውቁላም ሚርሐት ኦሬንታል አብያት ክስታን፡ ሱፊራ እ ወዲፕሎማሰዮን፡ እተክምሰልሁመ ወካይል ገዳማት ኤረትሮፕ፡ ወካይል ሃገረ ሰብክታት ዐድ ወካርጅ፡ ሊቃነ መናብር ሃገረ ሰብክት አሰመረ፡ ወሙእምነን ወሙእምናት ሓድራም ዐለው።

እተ መናሰበት ዓዲት እብ ሚርሐት ቅዱስ ሲነዶስ ቤክታሰታን ኦርቶዶክስ ተዋህዶ



ሰኢሊ አብርሃም በየነ

ኤረትሮፕ ዓዲት ሺመት ወጸሎት ከም ገብአት፡ ታሪክ ሐያት ብጹእ ወቅዱስ አቡነ ባሰልዮስ ትቀደመ። ውቁላም ሚርሐት ወወኣካይል አብያት ክስታን ወመስኢሊን እድንያይ ወናይ መንጠቀት ተናዚም ክስታን ለብጹቶም ናይ ሕሸመት ጋሽ ጸሎት ከም

ወደው፡ መስቀሎም እት ልትዛየር ትምቱም ሰኔት ሸርሐው።

እት ደንገበ ጸሎት ቅዱስ እብ ሚርሐት ብጹእ ወቅዱስ አቡነ ባሰልዮስ ቀዳማይ እንዲ ገብአት፡ ጸሎት ቡራኬ ከም ትሆቦት፡ ቅዱስነቶም ምን ርእሰ አድባራት ቤት ክስታን ደብረጽዮን ቅድስቲ

ማርያም እብ ነደረት አሰክ መክተብ መንበር ፓትርያክ አተጀሀው።

እተ መናሰበት፡ ውቁላም ሚርሐት ወወካይል አንፋር ሐዋት አብያት ክስታን መስር፡ ፍሰይ፡ ግሪክ፡ ህንድ፡ ሶርይ፡ ኦርሚንዮ እተክምሰልሁመ ቤት

ግማት አብያት ክስታን እዲነ፡ ቤት ግማት አብያት ክስታን ክለ አፍሪቀ፡ ወቤት ግማት አብያት ክስታን ምፍጋር ጽሓይ አፍሪቀ ወመራታት ዐባይ ክም ሻረከው እት መክተብ መንበር ፕትሮርክ መስኢል ዕላቃት ካርጅ ወቅደይ ፕሮቶታል ቀሽ በረኸት ኪዳኔ ሸርሐው።

ሙዲር ዓም መንበር ፕትርያርክ ኦርቶዶክስ ቤት ክስታን ኤረትሮፕ እንዲ ገብአው ከድሞ ለጸንሐው ሊቀ ጳጳስ ብጹእ አቡነ ባሰልዮስ፡ እብ አሳስ ቀራር ቅዱስ ሲነዶስ ወለልሙድ ቀዋንን ቅድስት ቤት ክስታን ዲብ ዮም 9 ዲሰምበር 2024 እተ ገብአ ሙእተመር፡ 6ይ ፓትርያርክ እንዲ ገብአው ክም ትሐረው ለልትዘከር ቱ።

5ይ ፓትርያርክ ወርእሰ ሊቃነ ጳጳሳት ኦርቶዶክስ ተዋህዶ ቤተ-ክርስቲያን ኤረትሮፕ፡ ለዐለው ብጹእ ወቅዱስ አቡነ ቁርሎስ፡ ዲብ ዮም 2 ዲሰምበር ሰነት 2022 ዲብ 96 ሰነት ዕምሮም እብ ሕማም ትወፈው።

ጋሽ-በርኩ፡ ወዚረት ፎዘዩ ሃሽም ህድግ ትውዴ



ወዚረት ፎዘዩ ሃሽም፡ እት በራምጅ ሸቀል ናይላ እብ ደረጃት እዳራት ደዋይሕ ለተአሰሰ ልጃን ዕራት ለረከዘ ህድግ፡ ምን ዮም 23 ወ25 ጃንዋሪ እት ሙዲርያት ሰልዎ፡ ከርከበት፡ ፎርቶ-ሳዋ ወድጌ ወዴት።

ወዚረት ፎዘዩ፡ ለህድግ-አተላላይ ናይላ እት 2022 ሰዶደት ቃትን እግል ትትአከድ እብ ወዛረት ዐድል ለፈግረ አግቡይ ሂበት ፍርድ ለኸሰሰ መምርሕ ወመዕዩ ለአሳሱ ባለሐት አከይ መቅርሕ ሕፃዝ እንዲ ገአ እቱ፡ ወፋቅ መጅተመዕ ለለአደምን

ወቅደይ ምን ቅሩብ ለባልሕ አግቡይ እግል ለሀሌ ለአመመ በርናምጅ ክምቱ ሸርሐት።

እት ሙዲርያት ሰልዎ፡ ከርከበት፡ ፎርቶ-ሳዋ ወድጌ ለአንበተ ህድግ፡ እት ብዕድ ሙዲርያት ጋሽ-በርኩን እግል ልተላሌ ክምቱ ለሸርሐት ወዚረት ፎዘዩ፡ ልጃን ዕራ ህደፍ ናይላ በርናምጅ እብ ዋጅብ እንዲ ፈህመው፡ ሰዋልፍ ሙጅተመዕ እቱ እንዲ ሓፈዘው፡ መሻክል እጅትማዕየት እብ ዕራ ወመፋህመት እግል ልትባለሕ

ወሸብብ ምን አንኮላል እግል ለአባራ አርደት እት አዋፊሐት እብ መትሐሳር ወመትሰባል እግል ልክደም ትወሴት።

መሻርከት እብ ተረቶም፡ ቅደይ እብ ልጃን ዕራ እግል ልትባለሕ ለአንበተ በርናምጅ፡ እግል ምን መደት ረያም እንዲ አንበተ እት ሙጅተመዕ ለተአሰሰ ሰዋልፍ እግል ልድመቅ፡ መዋሃን ምን ቅሩብ መሻክል እጅትማዕየት እብ ዕራ እግል ልትባለሕ በክት ለከልቅ ሰበት ቱ፡ እት ፈግልዮቱ እብ መትአያስ ክም ሸቁ አከደው።

ከበር እስትሸሃድ



ነፈር ልጅነት ተንፈዘዮት ወጠንያይ ኮንፈደሬሽን ሸቃለ ኤረትሮፕ ወመስኢል ቅሰም ዕላቃት ዐመል- ገዲም ሙናድል መሐመድ እድሪስ መሐመድ መሕሙድ ባናይ፡ እብ አመት አለቡ ሕማም፡ እት ዮም 27 ጃንዋሪ እት 66 ዕምሩ አሰተሸህደ።

እት ሰነት 1976 እት ጀብህት ተሕሪር ኤረትሮፕ ለተሓበረ ሙናድል መሐመድ እድሪስ ባናይ፡ እት ጃሽ ቅታል አሰክ እብ ደረጃት ቃእድ ሰርየት፡ እት ጀብህት ተሕሪር ኤረትሮፕ መጅልሰ ሰውራ ህዩ ነፈር ሐረከት ሸቃለ እንዲ ገአ ከድመ።

ሐቆ ሕርየት፡ እት ሰነት 1992 እት ናይ ዶሉ ሕኩመት ኤረትሮፕ ለተሓበረ ሙናድል መሐመድ እድሪስ ባናይ፡ አሰክ አምዕል እስትሸሃዱ እት ወጠንያይ ኮንፈደሬሽን ሸቃለ ኤረትሮፕ እብ ደረጃት ልጅነት ተንፈዘዮት እት ለትፈናተዩ መአሰሳት ናይላ ኮንፈደሬሽን እግል ሸዕቡ ወወጠኑ እብ መትሰባል ለከድመ መሐርባይ ቱ።

ሸሃድ ሙናድል መሐመድ እድሪስ መሐመድ፡ በዐል ፈረዕ ወአብ 3 ወላድ ቱ።

ዓዲት ቀብሩ ህዩ፡ ማሌ ዮም 28 ጃንዋሪ አልዐሰር እት መቃብረት መሐርበት አሰመራ ተመት።

ወጠንያይ ኮንፈደሬሽን ሸቃለ ኤረትሮፕ፡ እብ እስትሸሃድ ገዲም ሙናድል መሐመድ እድሪስ መሐመድ ባናይ ለትሰመዐዩ ሐዘን እት ሸርሐ፡ እግል ዓይላቱ፡ መሊሃሙ እት ንዓል ወመሻቂቱ “ኤማን ወሰብር ለሀበኩም ትብል።

ቡድክ-ሰጻዎች ፋሽላም፡ ለአከደ ሐምላት ሽርቡን!

አውራጃው ማየ፡ ጁን ወሰብተም፡ እብ እርትርዩን ውቅት 'ኤራ-ኢንፍራዊንዝ' እንዴ ትበሀለ ልትሰሙ። ዲብ እርትርዩ፡ ለውጭ ሻዕብ፡ ለለአትዐጅብ ተገሪክ ወለሰርጉል ሄራራ ዲብ ለዘልም ሐምላት አትካሰሐት እብ ዝያድ ለወሰክ እቲ አውቃት ሰበትቲ።

-ለሰብብ ህዩ ዋድሐቲ። እሊ አውርሐት እሊ ሽዕብ እርትርዩ ዲብ ቀበት ዐድ ወካርጅ፡ እግል ዓያድ ሕርዮቲ፡ ፊቃዶ ሹሀዳሁ ወእንቡተት ንዓል ሰውራቲ እብ ንዮት ታመት ወለውቀት፡ እብ ሽዕር ወጠን ዛይድ ወአግቡይ ናይር ለለዐይድ ዲብ ሰበት ቲ፡ ገማለት ናይ እሊ ዓያድ እሊ እግል ፈተኛ እርትርዩ ሐሊብ ለለአሰቲ ወእግል አግያመ ሕማም መርዘም ለለሀርስ ጋብእ ክም ጸንሓመ ሽክ ለአለቡ ጋርቲ።

-ለሀሌናሁ አሌላት፡ ምሰል እቅባለት ርኢስ ትራምፕ ዲብ ለቲ ጸዕድ፡ ለገአክ ክም ለ መሰሉ እንትበህ ጀላብ እግል ልጅዘቡ ወአፍካር እግል ለአሽክፍ ለዐሎብፕ እቲ ለሀሊ አውካድ ክምሰልቲ እመር ቲ።

ምሰል እሊ እብ ልትሻበህ፡ ምን እምር ወልምድት ኤራ-ኢንፍራዊንዝ ወኪንመ፡ ናይ ተገሪክ ዕድዋን ሽዕብ ኤራትርዩ እብ ገበይለ አክባር ሕሰዮም፡ ሐብሬ ሻክፈት ወተሕሊላት እት ለሀይደመ፡ ለሀይፋ ምን ዎር ለአልትሐበዕ አትካፍኦቶም፡ እት ርሽመቲ ውቁላሙ ህለው።

ክም መሰል ቀላል ለአንሰኢ፡ ዲብ ለሐፈራት ሳምን እብ ሰሚት አርት ምን መርተዘቀት ወሀይፎም ለገብእ ዘነሎም ወኪድማዮም ለትሰንፈረ ምሰል በዋቢር-ብሐር አዘርገኛን እንዴ ቃረኒ፡ እግል ኤራትርዩ ክም 'መሻቀዩ ኢራን' እግል ለአተምሰ ለ ወጠክዩ ጊጉይ ተሕሊል እግል ንንሰእ ልትቀደር።

እሊ እብ ሰሚት ዎርት ህቴር ወዘቡይ ላቲ ልኡትም ለትሸረ ሕሰይ-ፋሽል ወአትካፍኦት፡ እብ ዐቢሁ እግል አትማራር እንዴ ተሐሰቡ፡ እብ ዐባዩ መአሰሳት ሰለለ ክምሰል ትፈብረክ ወትሸረ፡ ምን ደለ ፈክር ወለሐሰብ ለልትሐበዕ ሽይ ኢኮን።

እግል ትትአመር ለበ ጋራት ምን ተህሌ፡ እሊ እግል ዐስርታት ሰኒን ሴምዐቲ ለአምሸጎ፡ እመራም-ጀሃት ለልሐቡኩ፡ ሐምላት አትካሰሐት ፋሽል፡ እግል ዓዳት ወአምነት ናይ እሊ መሰል-ክል ሰኒት እት ምሰንዮት ደያናት ላተ ዱለትን ልግበእ ወአህዳፍ ክድመት ወጠን፡ ወሰርገል ስትራተጅዮት ዐማረ እግል ለሃትክ ወለአትሓውን ለደቅብ ኢኮን።

እት ናይ መንጠቀት ወጂአሰያያይ ዕላቃት ለመጽእ አክባር ሕሰይ ወሻክፍ ተሐሊላት ህዩ፡ ለአማን እግል ልዕመም ሐሊት ለቡ ኢኮን። ለአሊህንቀልቅል መብደእ ሐበን ክርን ኤራትርዩ፡ እት ሳብት ሽዕር ዐዳለት ወሰላም ለትብ ን፡ እምበል አትህድኦት እድንያይ ወናይ መንጠቀት ምሰንዮት ገባይል፡ ሀይፍ ብዕድ ለአለቡ፡ ዳምቅ ክም በርሀት ጸሓይ ሰበት ገብአ።

መጅልስ አቅሊም ጋሽ-በርከ፡ 22^ይ-ንዙም እጅትምዑ ሰርግል

ምጅልስ አቅሊም ጋሽ-በርከ እት ዮም 23 ጃንዋሪ ዲብ ወደዩ 22ይ-ርቱብ እጅትማዕ፡ ዶር አንፋር ምጅልስ ዲብ ዐውቲ እት ሰነት 2025 እብ ደረጃት አቅሊም ለትኤተነ በራምጅ ክም ከድም አከደ።

ርኢስ ምጅልስ አሰይድ ዐሰማን መሐመድ-ዐለ፡ ምጅልስ ዲብ አሰቡቶትል እት ሐልፈ. እጅትማዕቲ ለሐልፈ. ቀራታት ወፊናታት መታብዐት እግል ሊዴ፡ ነዋቅስ ዲብ ወቅቲ እግል ልርተዕ ምሰዳራት ነሰእ ክም ጸንሐ እንዴ ሐበረ፡ እብ ደረጃት አቅሊም ለቁመዩ ልጃን ዐማር እቅትሳድ፡ ከደማት እጅትማዕየት ወዓዳት ወለመድ እንዴ ትተረደዩ፡ ዶር አንፋር ምጅልስ ዲብ ገብእ በራምጅ ለለዐቤ እቡ መጃል እግል ለሀሌ እብ ለትወቀለ ክም ልትከደም ሐበረ።

አንፋር ምጅልስ፡ እት 2024 እብ አቅላም እዳራት አቅሊም ለልትሸቄ በራምጅ ምሰለ ዐለ እግሉ መታክል ሐቀለ ጌመመው፡ መሐገዝ መዋሰላት ሐል እግል ልርኩቡ ምን ቃትን ለገብእ ወራታት ተጃረት መራቀብት እግል ትግባእ እግሉ፡ ለትደንገረ መሻሬዕ ማይ-ሲቶ እግል ልሸፈግ፡ ክምሰልሁመ ለልትክም ወራታት-ዐማር ሰዳይት-ማሸኔሪ እግል ትግባእ እሉ ለልብል ረአይ ቀደመው።

ዲብ ከደማት መዋሰላት ልትርኤ ለሀሊ መሐገዝ እግል ልርሄ ሰኒ ልትከደም ክም ህለ ለሐበረ ሐክም አቅሊም ጋሽ-በርከ ሰፊር መሕመድ-ዐለ ሕሩይ፡ አንፋር ምጅልስ - እት ለ ሰነት እግል ልትሸቄ እብ እዳረት አቅሊም ለትኤተነ በራምጅ ዓማር ወአምን እግል ልትዐወት ዶር-ምህም እግል ሊደው፡ መትመዳድ

ወመትኩዮት መአሰሳት ከደማት እጅትማዕየት እግል ልትከደድ ዲብ ለትካላእ መባደረት እግል ልሻርኩ ወፈዛዐት መጅተማዕ ዲብ አምን እግል ትትወቀል እግል ልሸቀው እንዴ አትፋቀድ፡ ወራታት ሕፍዘት ማይ ወትርበት እግል ልትወቀል አላት-ሸቅል ዱሉይ ክም ህለ ሐበረ።

ምጅልስ ዲብ ደንገቡ መሻረከት ሕበር ጀሃት ሕኩመት ወሸዐብ ዲብ መጋብሀት ወዐማር እግል ልትከደድ፡ በራምጅ ዐማር ወደሐን አውለውዮት እንዴ ተሀዩቡዩ እግል ልትሸቄ ዲብ፡ ሰሪት ዕጩይ ወነድ ቀተሪ እግል ልትከራዕ፡ በቃዐት ተዕሊም ወመሻረከት ደረሰ እግል ልዕቤ ለሰዴ ዋዕላታት እግል ልግባእ፡ ክምሰልሁመ ህዳይ ሰነት-አዳም ለአጽሐዩ ወክሸሶ አንሳት እግል ልሰረት እብ ፈዛዐት እግል ልትከደም ለልብል ቀራራት ወፊናታት ሐሰፈ።

መሕበር ወጠን አንሳት ኤራትርዩ ፈሬዕ ቀጠር፡ 3^ይ ርቱብ እጅትምዑ ወደ



መሕበር ወጠን አንሳት ኤራትርዩ ፈሬዕ ቀጠር፡ እት ዮም 19 ጃንዋሪ ዲብ መዳኑት አ'ደውሓ 3ይ ርቱብ እጅትምዑ ሰርገለ።

ዲብ አንፋር-ብዙሓት ናይ ፈሬዕ ወወካይል መሕበር ጃልዮት ለሐድረው ዲብ መናሰበት፡ ሰፊር ዐለ እብራሂም እትሉ አሰመዐዩ ናይ መክሰቲ ከለመት፡ ዶር ኤራትርዩይት ወለት አንሳይት እት ቀበት ዐድ ወካርጅ ዲብ ለትፈናተ

በራምጅ ወጠን ወማሕበር-ጃልዮት እንዴ ሐመድ፡ መሕበር ወጠን አንሳት ኤራትርዩ- መትዛሙ እንዴ አ'ተረደ ወመቅደራቲ እንዴ ጠወረ ዶሩ ዲብ በራምጅ ብንዮት ወጠን ወአጅያል እግል ወቀሎት ፍገራት-ዐባይ ወዴ ክም ህለ ሐበረ።

ሰፊር ዐለ እንዴ አትሉ፡ አንፋር መሕበር አንሳት ፈሬዕ ቀጠር፡ ወጠንዮት ዲብ ሕፍዘት ወአውረሶት፡

ክምሰልሁመ መሕበራይ ዕላቃት እግል ል'ተረድ ወድያሁ ለህለዩ ዶር፡ ሐምዴ እንዴ ቀደመ፡ ዕውት-እጅትማዕ ተምነ። መሻርኩት ዲብ ተቃሪር ወራታት አፍርዐት ወብዕድ እግል አንሳት ለከሰሰ አርእሰ ሐቀለ ሀድገዮ፡ ሐዳሰ መመቅራይት ልጅነት ሐረዩ።

ዲብ ደንገበ ህዩ፡ ለልትኤተን በራምጅ እግል ልትዐወት ለበን መዳለት አከደዩ።

ዐንሰቡ፡ ማይ ሲቶ እግል ልትወጀድ ልትከደም ህለ

እት አቅሊም ዐንሰቡ ዓማት ደማን ለቡ ማይ ሲቶ እግል ልትወጀድ፡ ፈሬዕ ማይ ምሰል እዳረት አቅሊም፡ ቅሰም ርዝቅ ማይ ወሸዐብ እት ልትዓወን፡ በራምጅ ሰኒ ሰርግል ክም ህለ ተሐበረ።

መሰሉል ፈሬዕ አሰይድ ዘርኤ ወልዴትንሳኤ፡ እት ሰነት 2024 አውለውዮት እንዴ ተሀዩቡት ለትሸቀ ዲባ ብንዮት መሻሬዕ ሐዳሰ እት ሴዕ ደገጊት ክም ተ እት ለአፍህም፡ ክም ፍገራቲ ናይ ሀበርታት ጸዕደ ወጸለም፡ ባምቤ፡ መጋራሕ፡ ጋብጋቦ ወዐድ ጋር-አለቡ ተምም እት ህሉ፡ ናይ እርቲ፡ መዐልዲ፡ ድጌ ወፈልሐቶ ህዩ አሰክ ወሬሕ ፈብርዋሪ ሰነት 2025 እግል ልታመም መሰኢት

ክም ህለ ኡብረሀ።

እምበል እሊመ፡ እት መሻሬዕ ማይ ገበይ-አለቡ፡ ቅርሕ፡ አይባባ፡ ዐዘፈ፡ ገርቡት፡ መዝረት፡ ሀውሽ፡ ሐመደይ ወሐሸሻይ፡ ወራታት አትሳናይ፡ አርሐቦት ወእብ ጣቀት ጸሓይ በደሎት ለሸምል ካድም ክም ገብአ፡ እብ ጀገራተር አው እብ ከህረበት ሌጠ ክድመት ለሀይብ ለዐለ መሻሬዕ ሐጋት፡ ሐልሐል፡ አሰነደ ወሐሊብ መንተል ህዩ፡ እብ ከህረበት ወጣቀት ጸሓይ ክም ሸቄ ክም ገብእ አፍሀመ።

አሰይድ ዘርኤ እንዴ አትሉ፡ ዐወሊ-ድራል እግል ልትሐፈር ሕፍዝ ምን ገብእ እቲ 13 ድጌ፡ ዲብ ሴዕ በሀለት ሐብነ፡ ገርገር፡ ደንገርጅዮ፡ ሕቡብ፡ ይግዐር፡ ማይ-

መሌሕ፡ ሀብረንጋቃ፡ ስልጣኑኽ ወጃኒ ክም ተሐፈረ እግሉ፡ ወእብሊ ህዩ 90 ምእታይት ናይለ ሸቅል ታምም ክም ህለ ሸርሐ።

እሊ ልትሸቄ ለሀሊ መሻሬዕ ማይ እግል ልዳይም፡ ክምሰለ ለሸቅል እግል ልትዐወት መትሰባል ወመቅሬሕ ለትረኢ ዲብ መሻረከት፡ ዓቅቢት ሰኒት እግል ትግባእ እሉ መክረ።

እት ደንገቡ፡ እት ለትፈናተ አውካድ ልትሸቄ ለሀሊ ከዛናት ማይ ወውራታት ሕፍዘት ማይ ወትርበት፡ እት አበርካት ማይ ለዐል ወክርሰ ምድር ሐዙቲ ዛይደት ክምሰል ተ፡ ለወደሐ አሰይድ ዘርኤ፡ አዜመ እብ ለትወቀለ እግል ልትሸቄ ዲብ ትላክ።

ኤራትርዩ ወጻኢ

ክል አርቡዕ ለትጠ'በዕ ጀሪደት

መዳልያይ፡
- መሐመድ እድሪስ

ለይአውት ወአርተዖት
* ዘህረ ዐለ
* ፋጥነ አድም

ተለፎን፡ 121797/07121322
ፋክስ፡127749፡ ዕ.ሰ.ቡ፡ 247

ተውዝዕ ጀሪደት፡
ተለፎን፡ 200454

አትአመርት፡
ተለፎን፡ 125013፡ ዕ.ሰ.ቡ፡ 1284

1ኛ ክፋል

ምን ሰካል ዐስር ሐል፡ ፈጅኦት ሐቴ ዶል

ክሉ ለኮን ሰር ወሰራራት ባትክ ለሀል መሰል ዐለ። ላመ ሐድ ሸሚላይ እምበላ ለምኑ መጽእ ለዐለ እትጀህ እንዴ ኢልትደሌ ሐቆ መደት ሰኔ ሐድት ጸንሐ (ሸ-----ይሹ፣ ሸ-----ይሽ) እት ልብል እግላ መሰምላ ዓጩይ እት ነዋንዩ ወእንክር ማን ወገሉብ እት ለአዋክሱ ለትሸዕር እቡ፣ ሸሚላይ ሰኔ ሐዋን ለኢሳራተ፣ እት ሸብዋት ሐረከት ትግበእ ወሐሳ፣ ሐከት ረከሰ ክለ ትብዘሕ ወትውሐድ ሮይ ዕን ለተአቀምቱ ልግበእ፣ ወለ እዝን ትሰመዐ ክርን ሐቴ የዐለት።

እግላ እብ ጠቢባቱ ልግበእ ወወቀዩ ብሕቶት ወአጨንባይ ለፊቱ መክሉቅ ላተ እትለ አምዕል ለሀ ኢናሰቡቱ ምን ኢገብእ ካልእ አምዕል ኮንዶእ ኢትናሰቡ ወትብሀል። ላመ ሐቆ መደት ሰኔ ፈጅቢት እንዴ ጸንሐ ጠሰሰ ለዐለ ሸሚላይ ሐዋን፣ ሀለዮትክ ምልዐል ምድር ለለአክድ ቱ እንዴ ኢኮን ሰሚረት ለብኡ ላተ ኢኮን ለዐለ።

ለሞደይ ለሀይ፣ በዲር እብ ጸነ ነባት ወደባት ሀንን እት ወዴ ጸንሐቱ። ሐቆህ ሀይ፣ ለእብ አክይ ፍርድ ትሐከመ እቱ፣ ለቅዱይ ሸማሉ ወጭሩይ ማዩ ወጤሳይ ልዋሉ፣ እብ ሸማል አሰለሐት ዌረት እንዴ ትብደሉ፣ አድብሩ ወሳሳቱ እብ አክራን ወቃሎት አሰለሐት አሰክ ቃሎቱ እት መሰሚዕ ሴምዓዩ ትትቀየር ተአበ ወትመክረህ።

ሰኖታት ክምሰል ክታር እንሰ አሰር አድሕድ እት ልቴለክ ተሬ ቱ ወዴ ለዐለ። ላመ ምን ምምያዩ እብ ጽብሕ ምድር እግል ትብሸር ንሳል እንጭጭላዩ እት ርሸመትለ አድብር ለታኪ ናደኦት ለዐለት ጸሓይ ጠብዲያይ ዶረ ሰበት ተማቱ እንዴ ኢኮን እግል ገሌ ተአፍሬሕ ወእግል ካልእ ተአግሄ ኢኮን ለእብዘተ። ላመ እንጭጭላይላ ጸሓይ እምበል ሀዩን ወመንበ እብ ረቢ ከፍለዩተ እግል ክሉ ለኮን ሐቴ በጽሑ ዐለ።

አይወ! እለ እዲነ እበ ሕክመተ ካልቅ ላቱ እምበል ፈናታይ ክለነ ሐቴ ትብጸሐኑ። ሕነ ሳኪን እብ ወ-ዳይነ ወወቀይነ፣ ገሌነ ንትዐወት እተ ከእት ርሸመተ (ዐርሽ) እንዴ ትገሌነ፣ እዲነ ክምሰል ምልክኑ። “እነ ለኢትግሚኮ እተ ወኢሳረኮ ኢትገብእ” እት እንብል ውጩር እግል ነኣትሐልብ ወሐጸ እግል ነኣትል እንጀርብ። እት እንዘምት ወእንሰልብ ወእንንህብ ሐዘነን እንዴ ዓቤነ ሀይ፣ ክምሰል ውላደ ውላድ ርሕመ ለትብጽሐነ ንትመሰል። ለካልእ ሀይ፣ ክምሰል የቲመ፣ ወዘሉመ እት ልትመሰል፣ ሃባት ጸሓዩ ትአባርድ እቱ ወቅርሲሰ ብርደ ተአፈርዩ ከምን ቅርጡጠት ገርሀቱ፣ ወሐሉብ ወአቱ እብ ባይታሁ ልትመዩ እተ።

አሰክ አማነ እብ ቅልጭሙ እንዴ ሰብረ፣ ወቀይሕ ደሙ እንዴ ከዐ ለአመርድዩ፣ ሰኔን ወድኒን እት

አምሆላል ለሐልፍ። ምን እለ ለተአኪ እብ ዕጡጡት ፍርደ እት ጨባበ ትሐንዩ። እግል ዐዳለት ልርኩብ ገበይ ረዶም ተአተልትሉ፣ ወቃሰየት ቃሰየት ተአፈግሩ።

ሐቆ ክሉ እለ ቃሊ ዐውል እግል ልድፈዐ እት ቃልየት አርወሐቱ ተአጀብሩ ወትቀሰቡ።

እድንዩ ምን ዶል መትከላቀ አሰክ ናይ ደንገበ ካቲመተ፣ ካልም ወዘሉም፣ ሓይሰ ወሐምቅ፣ መንበ ወገብር፣ እት እንተ ሄራረ ተአታላሌ ዐለት ወሀሌት። ገቢል ኤረትርይመ ክምሰል ክል ገባይል እዲነ፣ እብሊ ለእግሉ ዘክርነ ሸንርብ ዘልም ወጨቅዋ እት ክል ግም ምን አግማመ ዕላመቱ ወጦዶቱ ባይነት እት እንተ፣ እብ ወዳሐት ትትርኤከ። ክምሰል ክሉ ገባይል እዲነ ምነ ወክድ ለእት ግን ሕዳዱ ወሰያደቱ ትጠምበለ ወአመረ፣ እብ ሀውቶቱ እት ሐንቱ እመር ጌዳን ወጠኑ ለትከምከመ እቱ እዋን እንዴ አሰተብደ፣ ዕንታት ሐሰደት ወቤቅደት እንዴ ኢልትፈንተያሁ አሰራር ሰኔን ልቴልክ ቱ ለዐለ ወሀሌ።

እብ አከይ ብሶት ቱ ከንዶእ ወለ እበ ረቢ ከፍለዩተ ዝያደት ወዋፍየት ክፍለቱ ወለርዘቅ ግንራራብ በሐሩ ዕንታት ሐሰደት ወሬቅበት አባያም ምን ቅሩብ ግዋሬ፣ ወምን ረዩም ምንኬን አብሐር ወምሐጣት እብ ሹብያይት ወአትናጣዋ ዕንታቶም ሸም እንዴ ኢለአቡሉ አሰክለ ገቢልነ ምልክ ሰያደት እት አርዳ፣ በሐሩ፣ ዐሰተሩ፣ ነባሪሁ ወሰዋልፍ አትቃማቶም ኢወሐደ።

ገቢልነ ለእብ መትሹብያይ ጥልያን እት ሰነት 1890 ለትረሰመ እግሉ ጌዳን፣ ሐቅ ብዕድ እግል ኢልኪድ ምሰል ደሚሩ እት ልትጋለድ፣ ሐቁመ እብ ዌረት እግል ኢልትከዩድ ወሀዋየቱ እግል ኢትሰረት እብ እንትብህ ራቅበ ዐለ ወሀሌ። ላመ ምሰልነ ልትሓደደ ወእብ ፍንቱይ ምን እትጀህ ግብለት፣ ክምሰል እም አራዊቶ ሓባርም ወአሰሉብ ዘሚት ወቃጨፎት ክምሰል ሰዋልፍ ነባሪህም እት ቃይሮ፣ እብ ሐሸም ወፈርድ እት ከበሰ ወበርኩ፣ እት አውለት ወሰሕል ሸኩቶም ክል ዶል እት ረግዘ፣ ዶል እብ ሰሚት አሉሉ፣ ወዶል እብ ሰሚት ወቤ ዘምቶ ወሰርቆ ዐለው ወአኪመ ለእኩይ ወዳዮም ልትሀን። ክምሰል ፍንክት ሕማም ጽገዕ ረቢ አርኤነ ወአሰምዔነ እት ልትደገሱ።

ሸልገት ድራሪም ምን ግራይ ጸርም ወግዋሬ እት ለሐንፋለ ወዘመተ፣ እብ “ቀቡን ገብእ” ደማነት ነፍሰ ምን ልቦም አሰረተው። “ሰኔ መንባካ፣ አይወ ሓይሳም፣ ሴምዐት ሕነ ወጤደዐት፣ እግላ እንቱም ትቡለ ወትሐዘወ፣ “ሐክመትን ወሚርሐትን” እት ልብሉ፣ እግል ረክዕ ወሰጃድ

አሰግደቶም እት ለአደኖ እብ ዐቢሁ አድኖን ምኖም። እት አቶብያ ለትሸየመው ሕካም እግላ እብ ነባሪሁ ወሰዋልፍ ለልትሐበን ወእግል ዘልም ወቀሸ ለኢልትብገሰ ገቢልነ፣ ወእብ ቅልጭሙ ወውሕደቱ ለነብር መሳልም ሸዐብ ኤርትራዩ እግል መናቢቶም እት ልትገበር፣ እግል ሐር ወላዴሕ ገቢል፣ ሀውቶቱ ወወጠንዮቱ እግል ልሸርትኩ፣ ልሻርፎ ወሰረፍራሬት ሊደወ፣ መትገናብዮም ኢወሐደ።



እለ መዋዲት እለ እት ክል ካልኢት ምን ወቅት ተእሪክ እት ሰጅሉ፣ እት ሰጅላቱ እብ ዋድሐት ልትብዩን እግልከ።

እብ ፍንቱይ ምን አርበኛታት ወሕምሳታተት ሸንርብ ዌረት ወጭቁጣ ቶም እት ረከሰ ገቢልነ እት ዘይድ ወወሰክ ክምሰል መጽኡ፣ አበወነ ወአብዕሶታትን ለሓኩ እግልነ ዐለው። እት ሰሳታት ክምሰል በጽሐ ዓላብ ሰኖታት ሀይ፣ ምሰል ምውዳቅ ፍድሬሸን፣ ምስተዐምረት አቶብዩ ዘልሞም ወውራሮም እብ ዐሰር እዳ ክምሰል ወሰኩ፣ ሕናመ ገሌነ ናይ ማሌነ ፋቀዲቶነ እት ገብእ፣ ገሌነ ሀይ፣ መዳግም ማሌነ ወሓድረት ወዮምን እት እንቱ ነሐልፍ ዐልነ ወእነብሩ ሀሌነ አዜመ።

ወቅት ሰታተት ገቢል ኤርትራዩ መግዘም ዌረት አቶብዩ ሰበት አሸንረብዩ ሕርያኑ እግል በሊሰ ሰያደቱ እት ቅልጭሙ ክምሰል ገብኡ፣ እምበሌህ ካልእ ሕርያን የዐለ እግሉ። እግል እለ ሕርያን እለ እግሉ ለምርሐ ልግብእ ወለ ዋጅቦም ወጠኒ ለለአወፋ ሚሐርበት አሰክ አካን ግድለ ነጌብ ፈግረው። እት ፈጅር ሄለል ሰብተንበር ሰነት 1961 ሀይ ምጋሁ ወብርሃኑ እት ደብር አዳል ከረው እግሉ። እለ ግድለ እለ ለእብ አብዐሸረ ትንቡረት ለከሬት እብ ደምለ ቃልያም ወላድ እለ አርደት እግላ ክሉ እለ ሕቡሉክ ተዩልል እንዴ ትዐደ ወባልሐት እት

ሕርየት እግል ልብጸሕ ቀድረ። እት ሰሳሰ ሐል ለእግል ረኪብ ሕሪየት ሓለፍናሁ፣ እግል ልትደገም ለኢቀድረ ቃሊ እስትሸሃድ ምሰል ልጃእ ወክል ክርበት ሐዶት እንዴ ሓለፋቱ ገቢልነ እትለ ለምን አጅሰ ክል ሰድት ወትዊት ለከህለ ከእግል ምራዱ ለበጽሐ፣ እለ ሐዳይ ምነ እግል መአተዩ ለገብእ ቱ።

እት ሄለል ሰሳታት ዐድነ ኤርትራዩ ምን ሰልፍ ፈጅር

ጽብሐተ፣ መሐጠ ፈደበ ወትሰደደ። ለእግል መትፈራጃቱ ሚ ሸንቆህ እንዴ ኢልትደሌ ሰቁል ለዐለ ሐብል ሸንቆ፣ እግል ደሚር ፈታይ ልበሸርቱ፣ ሚ እግል ልብ አባይ ለአፍሬሕ፣ እንዴ ኢልትፈረግ እተ እግል ትሰቀለ ሌጣ ቱ ለሀንጦዋል ለዐለ።

ለትጀሬ ላቱ እት እዳ በዐላተ ለዐለት። እተ ዕን ትርእዩ ላኪን፣ ሰአየት ወፈረጅ ዐደን እርዩማት ክምሰል ዐለዩ ምን ደሚረ ለኢናዩ ኢለሐዜ ገቢል ባድየት የዐለት። “እብ ትሰደደ ለነሰኡ የሀለ እንዴ ኢኮን፣ እተ ዕን ትርእዩ ላቱ፣ ግድም ሰላም ወአማን እለ ገቢል እለ ላቱ ሰኔ የአሬመዩ ገብእ!” እት ልብሎ ቶም ለአክል አሕድ በሊሱ ለየአውፈ ሰኣል እቡ በልሶ እተ ለዐለው።

ደሐን ሰከቢት ወረሀየት ክምሰል ኢብጽሐቱ እንዴ ረአዩን፣ እብ ኢምራዱ እዘኩ እኪት ሌጣ እግል ልሰመዕ እበን ፍርድ ኮን እግል ኢልግበእ ፈርሀት ባይአቱ እት እንተ፣ ወቅት መክሩህ፣ በክት ጽብሕ ምድር ለተሀየብዩ ከእት ረከሱ ለትሸየም ለሀሌ፣ መሰለ እቱ። ድጌ ፍላን ነደ፣ ትሓረደ፣ ትሸዐተረ፣ ተአሰረ፣ እት ምምያዩ የአጽብሐ”፣ ለልብለ ዞዶት ፋል መክሩክ ምን አፍ ክል መትሃግያይ ወመክብራይ ለልትሰምዐ ልሙዳት ዞዶት እት እንተን ክምሰል ማይ ወመነት ክል ዎርት ምን አፍሁ ለአፍግረን ወበልሰዩን እቱ ለዐለ

ወክድ ሰድት ወክርበት እት እንቱ፣ ጸሓዩ ባርቀት እት እንተ ጽልመት ዘልም ወጨቅዋ ግልብብቱ ለዐለት ወክድ ቱ። ክል መዋዋን ሀይ እንዴ ኢፈትዮን እግል ልሰመዐን ልትቀሰብ ወልትጀበር ዐለ።

አይወ! ሰሳታት ዘናበት ሐምሳታት ወአርብኛታት ሰበት ዐለት፣ ምን መደት አሕዛብ ሰያሰየት፣ እት መደት ፍድሬሸን ቀሰብ፣ ወምን፣ እት መደት መትከፋል ደያናት ወነድ ደገገት ወምድን፣ እግል ልትዐዴ ትጀበረ።

ደብዝ ዘላም ወመደት መስኩብት ህተንመ እብ ኢምራደን ቅሱባት እት እንተን እግል እለ ሞዳይ እለ እግል ልፍገረ ምኑ ፍርድ ዘልም ምሰዳር እት ረከሰን ነሰኡ፣ ለእግል ትውለድ ሴዕ ወሬሐ ትዐልብ ለዐለት እም ሴዕ ቆሚየት፣ ውላደ ትርበት ዐደም እግል ልምለኮ ወእግል ደሐን ገቢሎም ገላብ ወኑናት እንዴ ነሰኡ እት ደብር አዳል አተርሐው።

ሐቆ ክቡድ ወፈግብ መሐጽ ለእግል ሸንቆ እንዴ ትብሀለ ሰቁል እግላ ለዐለ ሐብል፣ እብ ኢምራድ ሴቅለቱ ሐብል ሰማድ እንዴ ትብደሉ፣ እግል አውረሐተ እንዴ ተምም ገይሰ ለዐለ ዐምሳት ሀዋየት ላተ ዐድኑ፣ እንዴ ሰደየ እብ ትውለደት ብክር ሕጌ ለገብእ እግል ወፍዘ እት አምዕል ጅምዐት ዮም/01/09/1961 እብ ፍጅር በኪት ትርክያይት ቃሎተ እት እዝን ክል መዋዋን እብ በሻይር አሰናይነ አሰመዐት።

ዐጃይብ ቱ! ተውለደት ሓምድ ዐዋቱ ወመልሂቱ፣ እግል እት ፈርሀት ወርዕብ ለዐለ ገቢል እብ ዋድሐት ገበይ መርበዩ እግል ለአምር ወሄራሩ ለአርትዕ በይነት እግሉ።

ለሄራር ወለ እበ ለሄርው ለዐለው ገበይ ቅፍር ሰበት የዐለት፣ ወዲቅ ወቀኒጽ፣ እግል ልሳድፎመ ላዘም ምነ ትትጸበሩ ዕንቅፋት እት እንቱ ዐለ። ላኪን ኤታን ዋድሕ እብ ግብኡቱ፣ ምሰል ሰአዮብ ዕንቅቁሁ ሰደ እግሉ።

ላመ ወልዳይት እም ምነ እግሎም ወልደት አክል አሕድ እዳህ እንዴ ትመጠ ከእብ ብጣረ ለወድዩ ምነ እግሎም ወልደት ለዐለት ውላድ ርሕመ እግል እብ ኖሰ ተአሌሌ አሰተብዳት። ህቶመ ምን መትፈንጣር አድሕድ ሐቆ ሐርብ ሐው እንዴ ትመከረው፣ አሕድ ሐቅፈው፣ ከአወላይ ሙአተመር እንዴ አትገሰው ኤታን ንዳሎም ወተሕራር አርደት ምን አባይ፣ ወሕራር ገቢል ምን ቅዌት፣ እብ ዋድሐት ገበይ ወሕር ደሰቱር ንዳሎም ከትብው። እለ እት ፈጅር ሰብኛታት ወመክሊሲ ሰሳታት ቱ ለዐለ። ሐቆ ሰልፋይ ምእተመር ጅብህት ሸዐብየት እግል ትሐራር ኤረትራዩ፣ ሚዛን ሰውረት ወዌራይ እግል ልትቅየረ ቀድረዮ።

መሰውር- አብርሃም በዩኒ

እተ ለሐልፊ ወክድ ሰሐፊ መሐመድ እድራስ መሐመድ ወጀግባቱ ሰሐፊዎችን ጀራይድ ኤራትሮፕ አስክ ምዴርየት ዐረዘ እንዴ ተሐረከው። ከደማት እጅግማሪዎች ሹብህ መዲነት ዐረዘ እግል ልድለው ምሰል አሰይድ ሸዊት ሐገሰ መመቅረሐይ ሸቅል ሹብህ መዲነት ዐረዘ ለወደዉ ህድግቱ ዲብ እለ ናይ ዮም ጥብዓት እዳልዮሙ እግልኩም ለህሌኑ ቅራኢት በኪተት።

ሰአል- ሹብህ መዲነት ዐረዘ ሚ ትመሰል እግል ተአትአምረነ?

በሊሱ- እለ እዳረት ሹብህ መዲነት ዐረዘ እብ አርበዕ እትጃህ ምሰል እዳራት ደዋሐ ናይ እለ ምዴርየት ለትትሓደድ ተ። ሐምሰ ዐዶታት ህዬ ተአደይር። ህተን ዐዲ በዶኔ፣ ደንበጉርዲ፣ ደምቤ ሐንሴ፣ ዐዲ ንአምን ወእዳረት ሹብህ መዲነት። መናበረት ሸባ ህዬ እብ ሐርሱቱ። እምበል ሐድ እብ ትጃረት ለልትናበር ብዕድ ለረክቡ አለቡኒ። ዐደድ ሸባ እብ ዐኢለት 3500 በጽሕ ወእብ ትንፋሰ ህዬ 7000 ልትዋገም።

ሰአል- ዲብ እለ ሹብህ መዲነትኩም ለህለ ከደማት እጅግማሪዎች እግል ትወዴክ እግልነ?

በሊሱ- ከደማት እጅግማሪዎች ሰልፍ ክሉ ለመጽእ እለ ሹብህ መዲነትን እብ ጣቀት ጸሓይ ለትሸቄ ዴማት ከርሀበት ህሌት እተ። እለ ከርሀበት እለ ህዬ ዝያድ 4 ወ5 ሰነት እምበል አሰፍ አምዕል ወላሊ እት ነአበርህ ምን እነብር ህሌኒ። ናይ ማይመ ምን ከዋን እብ ሐሊት ናይ ጣቀት ከርሀበት ለልትረኩብ ወዲብ መወዝዲታት ለገይሱ፣ 12 ኑቅጣት እንዴ ትዳለ ሸባ ምን ትቀርብ እግሉ ኑቅጣት ማይ ሰቲ ህሌ። ክሉ ቅሩብ ምንመ ገብእ ሸወዩ ምን ማይ ለሬመ አካናት ዐዲ ጓንጓ ወዘርባቢት ኢሳረተ ናይ ማይ ወሪም ምን ባካት ማይ መሻክል ኢህላኒ። አስክ እለ ህዬ ዲብ ዴማት ናይለ ማይ ምን መሓዝ ለትጅብብ ዴለ ወምን ከዋን ንትነፋዕ ሰበት ህሌኒ። ምን ሐል ዲብ ሐል እምበል ለገብእ አሰፍ ለልአሰቲ ማይቱ ለህለ እግልነ። ክም ምሸክለት ለትትርኤ

ከደማት እጅግማሪዎች ሹብህ መዲነት ዐረዘ

ዲብ ከደማት ማይ ለዐንድር ናይ ማይ አስክ ለመወዝዲ ኑቅጣታት ለገይሱ ጨቢብ ሰበት ገብእ። ለትቃዋ ማይ ክመ ልትሐዜ እግል ልምጸእ ልትአክር። ብዕድ ዲብ በስክት ለማይ ልትጀግዕ ዲብ ምሰል ውዳረት ማይ ወድዋር ውዳረት ዓፍዮት እብ መትፋሃም። ክሉሪን ለመሰል ምንገብእ እግልናመ ነዳራት ናይለ ማይነ ወሰኔት። ምኑ ወኬን ላኪን ግሩም ህሌኒ።

ሰአል- እለ ትብለ ለጸንሐክ ጣቀት ከርሀበት ምዶል አንበተት

ሰአል- ከደማት እትላት ወመዋሰላት ህዬ ሚ መሰል?

በሊሱ- እትላት በዲር ደሐን ዐላ፣ እትሊ ወክድ እለ ላኪን ለከዋ እት ህለ እግል ለአትራክበክ ለኢቀድር ጋብእ ህሌ። ሰበት እለ እትሊ ወክድ እለ ካሬ ከደማት እግል ለህብ አሳናይ ለሐዜ ህሌ። መዋሰላት ህዬ ክልዶል ለንትሃጌቡቱ ሸወዩ መሻክል ህለ እግልነ። ዲብ እለ ምዴርየት ናይ መዋሰላት መሻክል ምን ሐል ራክባም እሉ ለኢህሌነ

ኢኮን፣ ለሸቅል ሐድ ሐድ እት ልትብኔ ወለ መዲነት ዲብ ወሰክ ገይሰ ህሌት።

ሰአል- ከደማት ተዕለም ወዓፍዮት ዲብ እለ ሹብህ መዲነት ከአፎ ህለ?

በሊሱ- ናይ ተዕለም መዳርሰ ረውዳት፣ መአንብታይት ደረጃት ወምግባይት ወካልኣይት ደረጃት ለትክምክም መዳርሰ ህለዮ፣ አስክ 11 ፈሰል ህዬ ደረሰ እንዴ ትክብተዮ ለአደርሰ ህለዮ። ክድመተን ህዬ ግሩም



አሰይድ ሸዊት ሐገሰ

እግሉ ለትሸተለ ሰኒ በቅለ ወለ በቅለ ሰኒ ልትቀብ ህሌ። ምሰል እለ ናይ ዐቂብ ዕጩይ ወገማል ለትትርኤ ርዕዮ ንዋይ ወሐርሰ ናይ እለ መንጠቀት ወመናበረት ናይ እለ ሸባብተ። እለ ሸባ እለ ዲብ እለ ሹብህ መዲነት ለነብር ሰሩ ዲብ መስከቡ ለህለ ወሰሩ ምን ብዕድ ባካት ለመጽእ ወዲብ እለ መዲነት ኩብዮት እንዴ አጀረ ሐድ መጽል ትጃረት ዲብ ለልትፈረርቱ። ዕሙማይ ህዬ ናይ እለ መንጠቀትን ንዋይ ወሐርሰ እምብል እት ህሌኒ። ዲብ በር ለህለዮ አርባዕ ዐዶታት ደሐንቱ ግሩም ህሌ። እለ ናይ መዲነት ላኪን ንዋይ ወሐርሰ ህለ ምንመ ልትብህል ለልትሐመድ ኢኮን። ሰበት እለ እትይ ሐሊብ ወሐርሰ መ ክም መሕበር እብ ደረጃት ምዴርየት ምንመ ህለው እብ ፍንቲይ ናይ እለ ሹብህ መዲነት ላኪን ኢህላኒ።

ሰአል- እለ ሹብህ መዲነት



ወዲብ ሸባ ለአምጽአቱ መርህዮ?

በሊሱ- እለ ጣቀት ከርሀበት ቀደም 5 ሰነት ለአሰብዴትተ እምበል መትካራም ህዬ ሸባ ክም ምራዱ ልትነፋዕ እበ ህሌ። አስክ እለ ለገብእ መሻክል ኢሳደፊዮኒ። ለህለ መሻክል ምን ሸባብቱ እግልሚ ዎር ክድመት ለረክበ ዲብ ሳዐትቱ እግል ልድፍቡ ለወጅቡ፣ ናይለ እግሉ ኩብርህ እግል ልድፋዕ ህሌት እሉ። ዲብ እለ ህዬ መትካካር ልትርኤ። ለአምጽአቱ መርህዮ ህዬ አዳም ምን ጽልመት በርሀት ረክበ ከምሰልሁመ ናይ አፍራም ወናይ ፋግሮታት በህለት ሐዳዳት ለሸቄ እንዴ ኢተርፍ እብ ፈድል እለ ጣቀት ሸቅሎም ዲብ እለ መዲነት እንዴ ወደው ሸባ ክድመት ለህይዮ ህለው።

ዎርቱ፣ አተቡሰ ሐራት ትመጽእ ምንመ ህሌት ሐል እግል ትውዴ

ህሌት። ውላድ እለ መንጠቀት መሻክል ኢረኪብ መዳርሰ ካርዖም



ሰአል አብርሃም በዩኒ



ካቲሙ- እስትዕማር

ሓይላም ወሓይሳት ቁርክት ዲብ ሐልፊ አውካድ ታሪክ ንዓል ሸብሎ ኤራትሮፕ እግል ልትወሰቅ፡ እብ ገብአ ጸገም ተጃርብ ንዓል ድድ እስትዕማር ለለሓኔ አክትብት ብዙሕ ትኩተቡ። ምር ምን እሊ አክትብት እሊ ህዩ ለናይ ደንገብ ሐርብ ተሕሪር ለከሰሰ ካቲሙ ለልብል ክታብ ቱ። ዲብ እሊ ክታብ እሊ ብዙሕ ለለትዕጅብ ወለለትሐብን ቅሰሰ ክቱብ ህለ። ቀደመ ቅሰሰ ላኪን ኸልፍየት ናይላ ናይ ካቲሙ ሐርብ ሚ መሰል ዐለ። መርሐሰት እብ መርሐሰቱ እግል ንርኡቱ ከእግል የም 11ይ ክፈል

መዓል 21 ማዮ

ዲብ እሊ አምዕል እሊ፡ ህጃም ሳዕት 5:00 እስቡሕ አምቡተ። ክፈል-ዳሽ 52 ሐቆ ናይ ሕዳድ ስዖታት መሪር ሐርብ እግል ደቀምሐሬ ሳዕት 11:30 እንዴ ጸብጠት ሄራሪ አስክ ደቂ-ናዞ አተላላት። ለእብ ቀይሕ-ትር ወኩርባብብኢ ለዐለ ውሕዳት ላኪን፡ እግል ተህየቡዩ ዳይ መብዘሐ ስርጉሉ ምንመ ዐለ። እብ ፍንቱይ እስትራጀያይት አካን መትቀቃል ንቅጠት 1904 ላኪን እንዴ አዳብጠ ትመየ።

ክፈል-ዳሽ 85 እብ ጀህቱ፡ ሳዕት 5:30 ህጃሙ እንዴ አተላላ እብ ድገለባይ እንክር ለጠለቀ እቱ ህጃም ምዳድ አባይ አፍሸሎ። ገሌ ውሕዳት ናይላ ክፈል-ዳሽ ምስል ውሕዳት ክፈል-ዳሽ 52 አንዴ ገብአዮ፡ ገሌ ክፋል ደቀምሐሬ ክምሰል ጸብጠዮ፡ አባይ እብ ጀህት አምሁር ምን ዐለ ደባባቱ እንክር ድማን እንዴ ሐረኩ፡ ለቀዳሚት አምዕል እት ረአሰ ቦሞሎኒ ክፈል-ዳሽ 16 ለአጅረዩ ህጃም እብላ ሸብህ አግቡይ እግል ውሕዳት ክፈል-ዳሽ 85 እግል ልጨፍልቅ ህንዲዶ ቤለ። እትጀህ ሐረኩቱ ምን ቃብል ክምሰል ትረኡት ህዩ ምን ምስል ክፈል-ዳሽ 52 ለዐለዮ ደባባት ድድ-ድባብ እብ ሸፋግ አስክለ ብርጌድ እንዴ ገብአዮ ከሚን እንዴ አዳለዮ ክምሰል ልታኮየ ገብአ። እብሊ ህዩ፡ ለህንዲዶ እት ልብል ለመጽአ ውሕዳት ደባብ አባይ፡ ዲብ ሐቱ ደቂቀት 4 ደባባት ነደዮ ምን፡ እብሊ ለበህረረ አባይ እግል ተርፈዮ ደባባቱ ገጽ ግሪ እንዴ በልሰ አስክ አምሁር እግል ልትዕዳ ትቀሰቡ። ሐቆ እሊ ውሕዳት ክፈል-ዳሽ 85 ምስል ክፈል ዳሽ 52 እንዴ ጸብጠዮ፡ ደቀምሐሬ እንዴ ሐልፊዮ አስክ ትብብ አውልዕ-ጸሩ ወደቁ-ናዞ እንዴ ፈግረዮ ትመየዮ።

ዲብ ጽብሕ ምድር ናይላ አምዕል ለህ ውሕዳት ክፈል-ዳሽ 16 ለለህጅም እቡ አካናት

ሻፍፍ ለዐለ እግል ጀብህት እንዴ ሐንቀ ሸት እቡላ ለጸንሐ ናይ አባይ 16ይ ሰንዋቅ መከናይዘድ ብርጌድ ወ29ይ 5ይ ወ3ይ መከናይዘድ ብርጌዳት ገበይ

ሰበት ኢጠዕመየን ምስለ እብ ድማን ለዐለ ዳሽ ሸዕቢ እግል ለአሳድረ ኢቀድረዮ። አባይ ካርዕን ወዐለ። እብ ጀህት ድማን ለለሃጅመ ውሕዳት ደቀምሐሬ ክምሰል አተዮ ላኪን፡ ውሕዳት ክፈል-ዳሽ 16 ቀደመን ለዐለ ዳሽ አባይ እንዴ ገሸዮ እምበል መታክል እግል ጸጋሮ ወአምሁር እግል ልጸብጠ ቀድረዮ። ሐቆ እሊ እብ ሸፋግ ገጽ ቀደም እንዴ ትወረወረዮ ምን ባካት አውልዕ-ጸሩ እንክር አድግነ ለህለ ብራር እንዴ ጸብጠዮ ትመየዮ።

ዲብ እሊ አምዕል እሊ ክፈል-ዳሽ 70 ምን ትመየ እቱ ባካት ኮርባርዮ እንዴ ተባገሰ፡ እግል ኮርባርዮ እንዴ ሐልፊ እግል ከጥ ደቀምሐሬ ተረእምኒ እንዴ በትኩ እግል ጸጋሮ እንክር ድማን እንዴ አትላ እግል ዐራቶ ወደንገል ለለአትጸብጥ መዋቅል እንዴ ጸብጠ እብ ጀህት ድማን ምስል ክፈል-ዳሽ 16 ትጸብጠ። እብ ጀህት ድገለባይት ጀብህት እሊ ህጃም እሊ ለአተላላ ዲብ ህለ፡ ለዲብ ደቀምሐሬ ወትኩል



ሻፍፍ ለዐለ እግል ጀብህት እንዴ ሐንቀ ሸት እቡላ ለጸንሐ ናይ አባይ 16ይ ሰንዋቅ መከናይዘድ ብርጌድ ወ29ይ 5ይ ወ3ይ መከናይዘድ ብርጌዳት ገበይ

እግል ኢትደበእ ምኖም እንዴ ትባደረው እብ ኮርባርዮ እንዴ አበለው አስክ ተረእምኒ ገጸም ገልበው።

ሐቆ እሊ፡ 21 ማዮ 1991፡ ዲብ ጀብህት ደቀምሐሬ ሐርብ እብ ክእነ ልተላላ እት ህለ፡ ሚርሓይ ደርግ ኮሎኔል መንግስቱ ሀይሌማርያም፡ ምን ደውለት ክምሰል ሀርቡ፡ በደላህ ህዩ ናይብ ርኢሰ ለዐለ ለቲናል ጀንራል ተስፋዬ ገብረኪዳን እግል ዶሎ ሰልጠት ክምሰል ጸብጠ እብ ዴማት አክባር አቶብዩ ተአወጀ።

መዓል 22 ማዮ

ዲብ እሊ አምዕል ክፈል-ዳሽ 85 ሳዕት 6:15 እስቡሕ ህጃም እንዴ አምቡተ፡ እብ ድማን ዲብ



ሕግሰ ወቀርቲ ለህለ ትብብ እንዴ ጸብጠ፡ ድማን ወድገለብ ጽርግዮ እት ህለ እብ ጋድሞታት ህዩ ጋዴን እንዴ ጸብጠ ትመየ።



ልትሓራብ ትመየ። እሊ ዲብ ገብአ እብ ጀህት ሰሰሕ ለዐለ ውሕዳት አስክ ቅብለት ምፍጋር ጸሓይ መዋቅል ወቀርቲ ፈግር

አስክ ተረእምኒ ገጸን ትቀደመየ። ምናተ ተረእምኒ እንዴ ኢበጸሐ ዲብላ ህለ ጋድም፡ አባይ 20 ደባባት ውብዙሕ ዳሽ እዳሉይ ሰበት ዐለ፡ እንዴ ትከረዐ ተረእምኒ እንዴ ኢበጸሐ ትመየዮ።

መዓል 23 ማዮ

ዲብ እሊ አምዕል እሊ ክፈል-ዳሽ 52 ህጃሙ ሳዕት 5:30 እስቡሕ እንዴ አምቡተ፡ ሳዕት 11:00 ዲብ ዐደርዐደ ወገው ለትመየ ዳሽ አባይ እንዴ ጸርገ ድማን ወድገለብ ገበይ እንዴ ጸብጠ ገጽ ቀደም እት ልሄርር እግል ዝግብ ጸብጠ ከአፊት ዐዲ-ሐወሽ ሸአገ። እብ ጋዴን ለፈግረ ውሕዳት ህዩ እግል ሐርመት ቀጸለ እንዴ ጸብጠ ዲቡ ሐቆለ ተሐየቡዩ ዝግብ ዔሪ ወዲብ ዝግብ ትመየ።

ዲብ ሕግሰ ወርዕዘ ለተመየ ክፈል-ዳሽ 85፡ እብ ዐለት እሊ ሕድት መቅደረት አዳም ወሞርታራት ወርዕዘ እግል ልጸብጥ ህጃም ምንመ ሀረሰ፡ እብ ጀህት ድገለብ እንዴ ኢልትረኡ ለጸንሐ ምር ሸለቀ አባይ እብ ሰምጥ እግል ልህጅሙ ሰበት ጀረቡ፡ በርናምጁ እንዴ ኢሰርግል ገጽ ግሪ አቅባለ። እንዴ ጸንሐ ላኪን አዳሙ ወሰልሐ እንዴ ዝመ ግሪ ለኢበልሰ ህጃም እንዴ ጠለቀ እግል ወርዕዘ ጸብጠዮ፡ ምቀደሙ ዋጅሁ ለዐለ ድቁብ ሸፍ እት ልትባጠር ህዩ እግል ዳሽ አባይ እት ኩብብ ገጽ ቀደም እት ለአተላላ እግል እምብይቶ፡ ዐዲ-ቀሽ ወዐዲ-ሕድርም ጸብጠ።

እብ ጀህት ምውዳቅ ጸሓይ ወርዕዘ ለዐለ ክፈል-ዳሽ 16፡ ወርዕዘ እንዴ ኢትጸብጥ እግል ልግባእ ለቀድር ሰበት ኢዐለ፡ ዲብ እሊ አምዕል እሊ፡ ውሕዳት ክፈል-ዳሽ 16 ቴለል ወርዕዘ ዲብ ታብዐ ተርቲብን እት ለአትሓይሰ አስበሐዮ። ሐቆ መትጸባጥ ወርዕዘ ህዩ ህጃም እንዴ ሀረሰዮ እግል ዐዲ-ቀሽ (ምስል ክፈል ዳሽ 85 እንዴ ጸብጠዮ) እግል ዐዲ-ሀከፊ ምን ግሪሁ ህዩ ዐደምዘማት (ምን ግሪ ምስለ መጸአው አንፋር ሰለለ 72 እት ልትዓወን) እግል ልጸብጠ ቀድረ።





መሻረከት አንሳት እት መድረሰት ቴክኒክ ዊን

ሰወር= አቤል በረኸት



ደረሳይት ርቤል ጃምቦ



ደረሳይት ፋሞግ ክራር



ደረሳይት ኢክራም አሕመድ

መድረሰት ቴክኒክ ዊን ነቅፌ፡ እት ሰብተምበር 1985 ዲብ ኦሪግ ቅ/ምዳ/ጸ ሳሕል፡ እብ 44 ወለት ልብአቶም 83 ደረሳይ አንበተት። ምናተ እተ ሰነት ለሀ 8ይ ወራር ደርግ (ፊራሮ በሕሪ ነጋሽ) ክም ቀንጾ፡ ኦሪግ ቅሩብ ጀብሀት ቅታል ሰበት ዐለት፡ ለመድረሰት አሰክ ዲታሮ - ምዳርየት አደብሐ 70ዘት። ወሐቀሁ ዲብ ነቅፌ ክሰት፡ አሰክ ሰነት 1996 ሆይ ዲብ ቀጣን - ምዳርየት ነቅፌ 11 ሰነት ሐቀሰ አድረሰት፡ ዲብ ሰነት 1996፡ እትለ አዜ ለሀሌት እተ እት መዳኑት ለቀርበት አካን መባጂ ዘበናይ እንዴ ትነደቀ እል፡ ሰብ ምባይት ደረጃት ምህነት ላቶም ሸባብ ተአፊሬ ሀሌት። እትለ አዜ፡ ምን 243 ደረሳህ፡ 89 ወለት ሀለዩ። ምን 41 መደርሰ፡ 03 አንሳይት፡ ምን 48 አንፋር እዳረት ሆይ 25 አንሳይት ሀለዩ።

ዮም፡ ሐቀ 40 ሰነት ዐደድ አንሳት ደረሰ፡ ክምለ ናይ እንሳተት፡ ዝያድ ሰር ሀለዩ እግል ኒበል ይእንቀድር። ወእሊ ብዙሕ አሰባብ ብእቲ፡ ክም ሐብሬ ሙዲርለ መድረሰት መምህር

ቃልሓብ ዘርኡ፡ ለአግደ ሰበር ጋብእ ለሀሊ ሕዳን መስከብ አዋልድ ለገብእ ኦብያት ቲ። ለመድረሰት አሰክ እለ መትበናዩ ለአተላሌ ሀሌ፡ ዶልክ ለናቅሰት ምነ እት ትነደቅ እለ ትገይሰ ሀሌት። ህቲ ክም ተመ ምን እለን አዜ ለሀለዩ ለበዘሐ አዋልድ ክም ትትከበት መምህር ቃልሓብ ዳምንቲ። “አዜመ ሕዳት ተን በሀለት ኢኮን ልብል፡ ምን 121 እት አወላይት ሰነት ለሀለው ደረሰ ለ50 አዋልድ ተን፡ እሊ ሆይ፡ 41.3 ምእታይት ገብእ ሀሌ፡ ቅሩብ ሰር እብ ሰር ቲ” እት ልብል ለአፍህም። መድረሰት ቴክኒክ ዊን ሰበ መጃል ቴክኒክ ተዐልም። ብኸ፡ ከሀረበት፡ ጸራብ ዕጩይ፡ ጸራብ ሐጺን፡ ማሸን-ሾፕ ወአውቶሚኒክ ተአደርሰ። መምህር ሳሌሕ ሙሰ እድሪስ እት ቅሰም ጸራብ ዕጩይ/ነጃረት ሳቤዕ ሰነት ለአደርሰ ሀሌ። እተ ቅሰም ለናዩ መሻረከት አንሳት ሚ ክም ትመሰል እብ ክእነ ለአበረሀ።

“ዲብ አነብት እት ሰነት 2-3 ደረሳይት ሌጠ መጸኣነ ዐለዩ፡ አዜ ሳኪን 8-9 ሀለዩ እነ። ምሰል ውላድ ሰር-እብ ሰር ባጽሓት ሀለዩ። እብ ምራደን ለልሐርያሁ መጃል ምንገብእ ሆይ፡ እብ ንዩት ወፊይገት ደርሰ፡ ከእግልናመ ክም እንፈይግ ወድያነ።

ሽቅል ነጃረት ሐለት ለሐሐዜ ምንማቲ፡ ምሰል ሐወን እንዴ ልትሳደዩ ለልትህዩበን መሸፋ-ዕ(ሽቅል) እብ ሰፋዩት ለአተማህ። እት መድረሰት ሌጠ እንዴ ኢገብእ፡ ዲብ ሽቅል ክም ትዩመመያመ እብለ ትፈናተ አቅራቢ አሰመራ፡ ደንጎሎ ወብዕድ አካናት ዶል እበጹሕ እርእዩን ወእበ ሽቅለን እትበሰጥ። ለአነ አድረስክም ውላደም ወአዋልደም እት ብዙሕ ሽቅለት ጸንሐኒ። ሰገን፡ ሰምበል፡ ቅዋት በሐር፡ ዐምበርቡቤ አለቡ . . . ወእት ክሉ ዋቅያም ቶም። መደርሰ ሆይ መክሰቡ ሰልሐት ቲ ። ምን ክሉ ለትረዩሐኒ፡ ለበዘሐዩ ምህነትን እንዴ ኢጠልቀ ሰብ ፈረዕ እንዴ ገብአዩ ዕያለን መረሐ ዲብ እርእዩንቲ።

ለምህነት ቃልየትተ፡ እብ ማሸናት ሽቅየት ሌጠ ኢኮን፡ ለልትሐዜ ዐፍሽ ሰልፍ እት ወረቀትቲ ለልትረሰም። እት ዲዛይን ሆይ ፈዳብያት ሰበት ገብአዩ ለሽቅል ወረቀት እብ ተአሰትህል እግል ልርበሐ ምነ፡ እብ ሐሰር እግል ልሻርክ ክል ዶል እነሰሐን ወለልትነፊዕ እብመ ሕዳት ኢኮን።”

መድረሰት ፈንዩት ዊና 10ይ ፈሰል ለአትመመው ምን ክሉ አርካን ኤራትርዩ ለመጽኡ ደረሰ ሀለው እተ። እትለ ዕምር እሊ፡ አዋልድ ምን ከረ ሰንዐፊ፡ ጸርኩ፡ ተሰነይ፡ ገሉጅ . . . ዋልዳንን አሰክ ነቅፌ ሳርሐወን እት ሀለው፡ እግል እዳረት ወዕልም ናይለ መድረሰት አክልሚ ኣምናሙ ክምቶም ለአርኡ። ላመ መድረሰት አማነት ዋልዳን እት ረአሰ ራፍዐታተ። መምህር ሳሌሕ

ለብል፡-

“እግል ዋልዳን ሰነ ሐምዶም፡ ሸባብ እግል ልብጽሕወ ለሊሐዙ ሀደፍ ወምራድ እንዴ ትከበተው ሳርሐዎም ሀለው። ዋልድ አጀኒቱ ምን ንእሾም እትሚ ልትሐሰር እንዴ ረአ ገበይ ምን ለአጠፊሕ እሎም ሰነ- ሰነት፡ ወመውህቡም እንዴ ፈረገው እት ቴክኒክ እግል ልእተው ዶል ሐዘው ገበዮም ምን ፈትሐው እሎም እላመ ዐባይተ። ደረሳናመ እተ እብ ክሉ ልቦም አምር እግል ልክሰቦ መትጋጋምም እግል ልትሐመዶ ብእቶም።

ሕነ ሆይ፡ ክም ደረሳይ ወመደርሰ እንዴ ኢገብእ ክም ዋልዳን ወሐው ቲ ለንትመቅርሐም። ንገ ለወዴ ደረሳይ ዋልዳን ሕናቲ፡ ናሰነ እብ ህቲ ልፍህመ እት ገበይ ራትዐት እንበልሰ። ዐደድ እለ ምን ገበይ ለፈግራመ ሆይ ኢሳድፊ፡ ክለ ለምጽኡቶም እብ ንዩቶም ወእግል ምህነት ልክሰቦ ምንገብእት።”

ገሌ ሕዳት እግል ነአትሃግዩን ለቀደርን ደረሳመ እግል መደርሰን ወእዳረትለ መድረሰት ምን ሐውነ ወዋልዳንን እንዴ ፈንቴነ ይእንገሉም ተን ለልብለ። ቴክኒክ እግል ልምለክ ምራድ ለበን ምንገብእዩ ሆይ እግል መድረሰት ሰነ ፈተያህ። ምን አቅርዶት ለመጽኡት ፋዋነ ከራር ብኸ፡ ትደርሰ ሀሌት። እብ ሰልፍ እት መድረሰት ዊነ ክም ትረተብት፡ ምን ቤተ ፋግረት ሰበት ኢተአምር ጊሰት ጽንዕት እተ ዐለት። ዐደ ሳኪን አትሐጠረው። “ነቅፌ ቴክኒክ ሌጠ ኢኮን ለትክሰቢ ምነ።



መምህር ሳሌሕ ሙሳ

ምድር ተእርክ ትርኢ ወተአምራ” ቤለው። ህታመ እብ ዕንተ ክም ረኡት፡ እሊ ህተ ረክቡቲ በክት ዐቢ፡ ብዕዳት ሐቀታመ ልርከባህ ትፈቲ። ብኸ እግል አዋልድ ኢገብእ ለልብል ፈሀም እት ብዘሐም ክም ሀለ እንዴ ዘክረት ሆይ፡ “ብኸ ክል ምር እብ ረቅቡቲ ወቅድረቲ ለለአደሚዕ እቲ መጃል ቲ። እዳረት፡ ነዳቅ፡ ሸከሎት፡ ኡተኖት . . . ለመሰል ምህናት ብእቲ። እበን ወሰሚንቶ እንዴ ረፍዐክ ሰልም ፈጊር ወመትከራይ ሌጠ ኢኮን” እንዴ ትብል፡ ረአይ ሙጅተመዕ እግል ልፍዩሕ ተሐዜ። ሻበት ርቤል ጃምቦ ሆይ ምን ሸላሎ ማጽኡት ቲ፡ እት አውቶሚኒክ ካልእ ሰነት ትደርሰ ሀሌት። ሕርያን

ክም ተህዩበው፡ በዲረ እት ልበ ለዐለ መጃል ኣውቶሚኒክ ሐራት ወተዐውተት። “ዕልም ወራን ኣንሰ ኢፈንቴ ወተብዐት፡ ለእለ ተሐዜ እብ አማን ሕርያንክ ገአት ምንገብእ፡ ብዕዳም ምን አትማሸገወክ እግል ትጠልቀ አለብክ” ሆይ ትብል። ክም ትከረጅት መካኒክ እንዴ ገብአት እግል ትሸቄ እብ ክለ ንዩት ዱሊት ሀሌት።

አርያም ሰመሬ ምን ዐዲ ኳላ እት ነጃረት ደረሳይት ካልእ ሰነት። ደዋሊቤ ዐራታት ወብዕድ ኣላት ቤት እግል ትሸቄ ምን ቀድረት፡ እብ ፍራ ድራሰተ ርይሕት ሀሌት። “መደርሰን ወእብ ፍንቲይ ዳይረክተርን ሙሰተቅበልን እግል ልሰኔ፡ እት ዓፍዩትን እግል ንሓፍብ ወወቅትነ ሰነ እግል ንትነፈዕ እቡ ምን ዋልዳን ወለዐል ለሆም እብኩ፡ ሕናመ እት ምህነትን እንዴ ነጅሐነ ፈ’ኮም እግል ንፍደዮም ትምኔትናተ” ትብል። እግል ዋልዳናመ “ድረሰ፡ ረአይ ወሰምዲ” እንዴ ቤለው ምን ሳረሐው፡ ጀዛሆም እብ ዕጹፋት ሰነት እግል ትፍደዮም ትሰኤ።

እክራም መሐመድ ሙሰ ምን ፋንቲ ቲ። አውቶሚኒክ ትደርሰ ሀሌት። “እተ መዳይን አንሳት መካይን ሰውግ ዶል እርኤ ሰነ እትረዩሕ ዐልቲ። ክምሰልሁመ ጄራንን ዐረብየት ፈንግሮ ወለአሰት አክለ ረኤክም፡ ለምህነት እግል እጽበጠ ረቅቡት ዐለት እይ። ዲብ ዊነ ሆይ ምራጄ ተመ ከአውቶሚኒክ እትዐለም ሀሌት” ትብል።

አሕላም፡ ለኢትፊትዮ ተፍኪር “ወለት ሐቆ ሳምናይ ፈሰል ድራሰት ኢተሐዜ” ለልብልቲ። “እብለ መፍሁም እሊ አዋልደም ምን ምራደን እግል ለአትፋራን አልዎም። ወለት ሐቆ ፈግረት ኢገበዩ እግል ትኪድ ወትእኪቲ ለትብል ፈርሀት ምን ረአሶም እግል ልትዳንን ብእቶም። ለደርሰት ሀደፈ ሰበት ተአምር ትሰኔ ድኢኮን ኢተአኪ” ሆይ ትብሎም።

አሕላም ሰራጅ ምን ተሰነይ ማጽኡት ተ ወዲብ ቅሰም ማሸን ሾፕ ትደርሰ ሀሌት። እት ረአሰ ምህር ቴክኒክ፡ እት አካዳሚመ ክም ሰዳይት ወሰክ ሕሰሰ ክም ልትህዩብ ትሸፊሕ። እንዴ አትሌት፡ እግል ምራደ እግል ትብጸሕ መጦረ ለበግረው ዋልዳን፡ እት ድራሰተ እንዴ ፈደበት ረአሶም እግል ልርፍዑ እብ ክም ትሸቄ ተአክድ። ክም ትከረጅት ኣፕራተር ናይ ማሸን እግል ትግበእ፡ ክምሰልሁመ ሐጺን እንዴ ጸረብክ እትለ ማሸናት ለጠልቦ ሸክል አምጽኡት ትደርሰ ሰበት ሀሌት እብ ምህነት እት ወርሸት ናይ ናሰ እግል ትሸቄ ክም ትትዐሸም ትትሃጌ።

ምን ድባርወ ለመጽኡት ርቅዩ ጀማል፡ ምህነት ብክ ትትዐለም ሀሌት። “ወለት ምን ዐደ እግል ተአሪም ኢትፈቲ፡ ዐጄ ሳኪን እለ



ደረሳይት አሕላም ሰራጅ



ደረሳይት አርያም ሰመሬ



ደረሳይት ርቅዩ ጀማል

መድረሰት እንዴ አምነው፡ ‘ምን ቤትኪ እት ቤትኪቲ ኣብሸሪ’ ምን ቤለወኒ መጽኡት ወክምለ እለ ቤለው መደርሰንን ዝያድ ዋልዳንን እት እንቶም ጸንሐው። እሊ ሆይ እግል እፈድብ ዝያድ መስኡልየት ለአረፈዐኒ” ትብ።

መድረሰት ቴክኒክ ዊን ክሉቲ ለወርደ። ምን መዳይን ዐባይ ወምን ብሩር ረዩም መጽኡ። ሄርሚል ደበሳይ ወማክደ ዮናሰ እት ቅሰም ማሸን-ሾፕ፡ አርሴመ ምሕረቲ ሆይ እት ነጃረት ለሀለዩ፡ ሰልሰተን ምን ከረን፡ እት ቅሰም ብኸ ለሀሌት ሉልየ ተሰፋይ ምን ጋለ ነፍሐ ደዋሐ አሰመራ፡ ምሰለ ምን ብሩር ረዩም ለመጽኡዩ ክም ሐቀት አዋልድ እም ነብረ ወደርሰ ዲብ መድረሰት ቴክኒክ ዊነ።

ክለን ለደረሰ፡ እግል ድራሰት እተ ሀሌተ እግል ለጊሳህ ለሰምሐው እለን ዋልዳንን፡ ወእግል መድረሰትን ክም ቤተን እግል ልፍተያህ ለወደው መደርሰንን ለሐምደ። ዓሙድ ዕንጃራመ እግል እት ክለ ወጠን እንዴ ትፈረረዩ መጦር ሐወን እግል ልብካ ወለዐምረ ዕንዱቃት ለሀለዩ ደረሰ መድረሰት ፈንዩት ዊነ ዐውቲ ወሰርገል ልተም።



ሰወር፡ ኩባርም ጸሃይ

“ጃርዲን፡ ዔማት ደማን ወቅዘእ ለበ ክሳር ቱ” (2ይ ወናይ ደንጎበ ክፋል)



ወደነ ብርጫቅ (ወቂር)

ምዲርየት ሽዕብ እብ እተይ እክል ወሐምሌ ሌጠ ኢኮን ለእምር። እትላ መደት ኣዜ፡ ሰብእ እት ኣዋራፍ መሓዛቲ ወደለ ማይ ረክብ ዲበ ኣካነት፡ ጀራዲን እግል ልትህየቡ ወምነ በዲር ላምደ መንበረት-ሐርሱ-ዝላም ወወሓይዝ እንዴ ትባልሐው፡ ምን ዐወሊ እብ መቶራት ወሶላር እግል ለአሰቱ ወመንበረቶም እግል ለአሰቱ ጀራዲን ለጠልቦ ብዝሓም ሐረሱቶት ህለው።

አቡነ እድራስ ግምር እብራሃም ምርት ምነ ዲብ ሽዕብ እት ጀራዲን እስትሰማር ዐቢ ወዱ ለህለው ሰብ እስትሰማር ሐረሱቶት ቱ። እድራስ ግምር ኬድማይ ሐረሱታይ በዐል ጃርዲን ቱ። እድራስ ግምር፡ እሰልፍ ተጅርበት ጃርዲን ዲብ ምዲርየት ገሉብ እት ምድር ጨቢብ ወጃርዲን ንኡሽ ቱ ለአንበተዩ። ኣዜ ላኪን፡ ለምድር ለህይ ክም ሐወነ ዲቡ፡ እንዴ ተርከዩ፡ ለተጃርቡ ሌጠ እንዴ ነስእ እተ ፋይሕ ጋድምታት ሽዕብ ጃርዲን ዋዲ ህለ። ከተጅርቡቱ ሚ ክም ትመሰል አቡነ እድራስ ናሱ እት ለካክዩ- “ጃርዲን በዲር ምን አበውዬ ለጸንሐኔ፡ ላኪን ሐሬ ናሼ እተ ቀበቱ ብዘሕ ለትዐለምኩ፡ ወመንፈዐቱ እግል አጅያል ለትፈህመተኒ ከአቲክወ መጃል ሐርሰ ዋወርቱ።

በዐል ጃርዲን ምሰል ዕጩይ፡ ሰዐር ወብዕድ ኩዳር ለተውቡ ተናፊፍ ዶል መሐገዝ ለልአተክርዩ መክሰብ ወክምለ እት ባንክት ለክፋይ ማል ቱ። አሰይድ እድራስ ግምርመ እል እንዴ አመራ፡ ዝያድ 20 ረአሰ ምን ሐ፡ 10 ረአሰ ምን አግል ወሐምስ ረአሰ ምን አባጌ፡ ክምሰልሁመ አዱግ ወምርት ገመል ታውብ ቱ። እል ህዩ ምዴሽቱ ምነ ጃርዲን ቱ። ከጃርዲን መካሰቡ እት ሐቲ ዓይለት ሰኒ ወቁል ቱ። አሰይድ እድራስመ ማሸአለህ አብያት እንዴ ወደ፡ እት ጸዋሁ ነብረ ቅዘእ ለበ ሰርፍ ህለ። ለእበ ልትሐረክ ወክድረዋቱ ለልአዘቤ እበ ዐረብየት ‘ፒክ-አፕ’መ ታውብ ህለ። እት ክል ሐረከቱ ወምሸዋሩ፡ ክምሰልሁመ ክርየት ኩዳር እት

ዐዳገ ዐባይ ሰዳይት ትወዳ እሉ ህሉት። ምን እል ለእንፍህመ፡ ጃርዲን እት ጠወርት ዓይላት ወክርዐት መሻሪ፡ ክምሰልሁመ ዐለሞት አጀኒትክ ዶር ወቁል ለቡ፡ ዶል ምን ከሰር፡ ዶል ሓር ለልአከሰብ ለኢትብዴ ዝሕረት እስትሰማር ቱ። ከምዲርየት ሽዕብ አሰር እሉም ብገግሳም ለህለው ሰብ ጀራዲን እግል ልጸብጦ፡ እት ብዝሓም ናይ ለመድ ሐረሱቶት፡ ለፍክረት ጃርዲን ወመናፍዕተ እግል ልትሸቁ እተ ለበ ጋሪት ክም ተ ልትረኤከ። ሕኩመትመ መንበረት ሐረሱቶት እግል ትሰኔ ምነ ሰልፋያም በራምጃተ ክም ቱ። እዳረት ወፈሬዕ ሐርሰለ ምዲርየት አከደው እግል።

ምን ኩዳርመ አሰይድ እድራስ ግምር፡ ጎዕ በርበሬ እብ ዝያደት ዛርኡ ለህላ ቱ። ከመዶርመ ዛርእ ህለ። ድንሽ-ጥዑም ምርት ምነ እግል ጀርቤ ለዘርአወ ዘርእ እት ገብእ፡ ሰኒ ክም በቅለ እሉም አሰይድ እድራስ ወዴሕ። “እል ምቁር-ድንሽ፡ ክትረት ለምድ ሰነ ምሰሉ፡ ሐቡቱ ሐምስ ኪሎ ለትመዘነትመ ህለ። ከእል ባካት ሽዕብ ክም ልትሰማምዑ፡ እኩዳም ህሉ።

በዐል ጃርዲን ከድመ ምን ገብእ፡ ፍሬ ተዕቡቱ ረክቡ። ለትርበት እብ ወሐዝ ትትረሽድ ወትሸፍር ወህቶም’መ ሸፍር ጠቢዐት ወሰክ ወትሰኔ ህሉት። እል ኣዜ



ጥድቅ ምን ግሪህ እክል ሽዕብ

አሰይድ እድራስ ግምር ጃርዲን ዋዲሁ ለህለ ምድር ቀደም እል ብቀሉ ለጨብ ወዕጩይ ብዕድ ወትርቡቱመ ሐጸ ሌጠ ዐለት።

ዮም ላኪን፡ እብ ነሐሩ ወማሉ እት ሸግቡ ሕበር ከላት ወሐጸ እንዴ ትበደለት፡ ደለ ትዝወረኡት ዲበ ተአበቅል ለህሉት ቱ። “በዲር ምንመ እንዛብሩ፡ ብሐዝ ገልዩ ምንኒ ዐለ ለትርበት። ኣዜ ላኪን ትርበት ከበሰ እበ ወሐዝ ሰበት አቲት ዲቡ፡ ለገይሰ ዐለ ጨበል እት ሰበት ወክሱቡቱመ እት ዘይድ ወትትሓየሰ መጽእ ሰበት ህሉት፡ ዮመቱ እል አርድ ለትርቡቱ ናይ በዲር ትርበት ትመሰል ህሉት። እል ትርበት እል ህዩ ሸፍርመ ብዘሕ ኢልአትሐዝዩ። እል ትርበት እል ማይ ሰኒ አተዩ ምን ገብእ፡ ሰበት እብ ምልሃየ ትሰትዩ፡ እንዴ ኢትአሰቱ ወዝላም እንዴ ኢትሐዜ ወክድ ሰኒ ተህይበኩ። ክልኤ ሄክታር ተመር፡ ክልኤ ሄክታር በናኑ ሐምስ ሄክታር

ተመር ቅዋት ድፊዕ፡ ሰኒ ሂሩር ሰበት ህለ፡ አሰይድ እድራስመ ዲቦም እንዴ ጌሰ ተጃርብ ክም ነስእ ምናም፡ እምበልሁመ ምሰለ እት ድዋራቱ ለህለው ሐረሱቶት ተጃርብ ምን ናሰኖሶም ክም ነስእ ወደሐ እግልዩ። ምነ ቅያሰ 20 ሄክታር ለገብእ ምድር ቀሪም እድራስ ግምር፡ ለአግደ እክል ማሸለ እት ገብእ፡ እግል ንዋይ ክም ዐለፍ ወእግል አዳም ህዩ ክም መሳሪፍ ለገብእ ቱ። ሰማን ሄክታር ለትገብእ ገርህት ህዩ እግል ማሸለ ሌጠ ክሰሰ ህለ። አሰይድ እድራስ ምነ ንዋዩ ለረክቡ ሐሊብ እግል ጸዋሁ ሌጠ ድኢትን፡ አሰክ እል ሱግ እቱ ክም ኢልአዘቤ ወዴሕ። ምናተ ግሪ እል ጣሐነት ናይ ፍሩሰክ በህለት ናይ ቃንጨ ወክርድ እንዴ ተወቤ



በዐል ጃርዲን እድራስ ግምር

አብያትላ ምድር ህዩ ምን ቃንጨ ልትጣኑብ ወላብሰ። ሰበት እል ዝቤ ቃንጨ ዲቡ ቀደም እል ብገብ ክም ደህለ አሰይድ እድራስ ወዴሕ። አሰይድ እድራስ እበ እል መልክ ሐሊት ወማል፡ እተ ባካት መሰል ሰኔት እግል ሰብ ጀራዲን እንዴ



ቱቱብ ሽዕብ

ጎዕ፡ ወለተርፈ ቅያሰ 10 ሄክታር ለገብእ እክል ወብዕድ ብቅል ዝሩእ ለህለ ጃርዲን እድራስ ግምር፡ እግል ባካት በክት ሸቅል እንዴ ፈትሐ፡ ሸቃለ ብዝሓም እት ልትፈረር ዲቡ ሰኒ ልሂርር ህለ። ሐረሱታይ ማል ወነሐር ረክበ ምን ገብእ፡ እት ጀራዲን ለወድዩ እስትሰማር አክለ ህነ ዲብ ረይሐ ወመንበረቱ እት ለአትሓይሱ፡ እግል ደዋሩ መትባዳል ተጃርብ ወመሰል ሰኔት

ዐለፍ ንዋይ እግል ለአዝቤ፡ ወሐ ጃመ-ስ ወጃብት እንዴ አንሰሰ ለእተይ ሐሊብ በዝሐ ምን ገብእ፡ እበ ዐረብየቱ ሱግ እግል ልክሬ ወለአዝቤ ፍክረት ወሰታት ርሐብ ክም ቡ አሰአሌኒ። “እንሻአለህ አነ እል ፍክረቹ ነጅሐት ምን ገብእ፡ እብ ሐሊብ እል ሲግነ እንዴ ከፊት እት ብዕድ ድዋራት ለዐዴ እቡ ወቀይ እቱ እግል እትከሰእ ቱ” ልብል።

በዐል ጃርዲን መደርሱ ለተጃርቡ ለክል ምዕል እት ዋቂዕ ወአርደት ለረክቡ ቱ። ምድር ጃርዲን ሐቆ ተህዩብኩ፡ አክለ ፍክረት ሐቲ መጽአተኩ፡ ምሰል ሰትራተጅየት ሕኩመትክ ዲብ ትሂርር ወትትመሳኔ፡ ለሰትራተጅያይ ኣካል ወተዋብ ዲቡ እንዴ አተንኩብኩ፡ ብዘሕ እግል ተአፍሬ ትቀድር። እት ምዲርየት ሽዕብ ቃንጨ ቀይም ናይ ኩሉ ቱ። ንዋይ ሕበር ለአሰዕሩ ወእግል አቃርብክ ወኩሎም ፈተቸክ ወሰብለ ባካት ተህይብ ምነ። እግል ከረርም አንወየትመ ሰዐር ለአክቦ ምነ ሰነት ልትዐደው እቡ። መብዝሐ

ገብእ፡ ለብዕዳም ሐረሱቶት እግል ልተብዕደ፡ ወዲብ ሰኔት ልዋሉ ከድም ለህለ ወመክሰብ ህዩ ለካልኣይ ሕልሙ ክም ቱ ላኪን ለሰልፋይ ሕልሙ ተቅዩር መንበረት ድዋራትክ ክም ቱ ለአሰክል።

ዲብ ሽዕብ ለልትዘረእ ብዘሕ ቱ፡ ምን እክል፡ ሕጃራ፡ ድራ፡ ብልቱቤ ሰምሰም፡ ግጥን፡ ምን ኩዳር ብርጫቅ፡ ከመዶር፡ ጎዕ ወብዕድ- (ክም አወላይ ሕሩይ ዘርእ ወሰኒ እተይ ለልህይብ)፡ ዱቤ፡ ባምየት፡ ምሉክየት ወብዕድ በቅል።

እድራስ ግምር፡ እግል ሐረሱቶት ለልብለ ራነ ቡ። ለምድር መብዝሐ ማዩ ጩመ ሰበት ቱ፡ ለሐረሱቶት ግርህም እብ ተማሙ ማይ ጥዑም ክም ለአትዩ እግል ልትጸገሞ ከመሉሐት እግል ለሓርቡ፡ ወሰብ መቅደረት ሐርሰ እንዴ ትላከው ዲብ ልትጋመው ወለአሰኩ እግል ሊጊሶ ወአፍካር ቤንያይ ምን ሕድ እንዴ ነስእው፡ መትጃግረት ወመናፍርየት እንዴ ገብአው፡ እሰልፍ እግል አርወሐቶም፡ ወሐር እግል ድዋርም ወደውሉቶም ልግብእ መክር።

እብ ወብረት ሐርሰ ለልዳሴ ግመድ



ነጃት ዑሰማን

ሱብር ወክላት እግል መባጻሕ

ሱብር ወክላት እግል መባጻሕ እት ሐንቲል ልብል ኦርጋኒዥን ምሳል፡ መሰል ሰነድ ላቱ መሰሉል ከደማት ዓፍዮት እት ምዴርየት አፍባቡ፡ ዲግሪ ኔርሱ፡ ሻብ አልአሚንን እብራሂም ሳሌሕ ለወዳኖቻቸው ሙቃብላት እዳልዮም ሆሉ፤ እሊ ሻብ እሊ እብ ናዩ ከልፍዮት ሚክም መሰል ዲብሚ አሸቃል ክም ሀለ ወሽባን ሚሊመሰል መታክል እንዴ ሓለፈው ክም ደርሶ ወልትዐለም ወሐቆ እሊ ለዐቤት መሰሉልየት ወጠን ወምጅተመዕ ክም ረፈዮ ለትክሰሰ ሙቃብላት ዋድዮም ምሳሉ ሆሉን ቅራካት ብኪተት!!

ለምሳሌ መሰሉል ክደማት ዓፍዮት፡ ዲግሪ ኔርሱ፡ አልአሚንን እብራሂም ሳሌሕ ለወዳኖቻቸው ሙቃብላት ሱብር ወክላት እግል መባጻሕ ለኦርጋኒዥን ሙቃብላት፡ ዮም 3ይ ወናይ ደንገብ ክፋለ ጣብዓም ሆሉ።

ሰኣል፡ እሊ ድዕፍ ዲብ ድራሰት እንሳት ልትረኤ ለሀለ ሚሐል ወገብእ እሊ ወትቤ

በሊሱ፡ አዋልድ አንሳት መርሐለት እት ተዕለም እግል ልብጸሐ ሐቆ ገለዮ እተ አፍካረን ወአፍካር ዋልደንን ረሰሚ ተቅዬር እግል ልምጸእ ሆሉት እሊ፡ ዮምክን ለምጅተመዕ ለአብዩ መትከራይ ሳወ ገአ ምንጌ፡ ሳወ አካን ተዕለም፡ አካን ምክር፡ አካን ውሕደት ወአደብ ክምተ ምጅተመዕ እግል ልፍሀም ሆሉት እሊ እንዲኮን 11 ፊሰል ክም በጽሐክ እንዴ ነገድካ ሳወ እንዴ ኢትትክሬ ክልየት አው ወቅል ደረጃት ተዕለም እግል ትብጸሕ እግል ንሕሰብ አለናኒ አውል ለናይ 12 ፊሰል መድረሰትክ ትዋሰል፡ ወለ ወጠን ጠልቡ ምንክ ዋጅብ ወጠን ተአተምም።

ከእለ ፈዛዕት እለ እግል ተሀሌ ሆሉት እሊ፡ ፈሀም ወአምር እብ ሰበት ተዕለም አንሳት እግል ለሀሌ ላዘምቱ እግልሚ ዶር ናይ አንሳይት ዲብ ሐቱ ዓኢሊት ምሀመት ቱ ለሰለአሰ ርቡዕ ናዩ ዕብዮት ወተብየት አጀኒት እት ወልዳይት ልተንኩብ፡ ጅን ምን ልትዐመስ አሰክ ሰነት ሱብ በጽሕ ከእሊ እሊ ነሀድግ ሆሉን መራሕል ተዕለም በጽሕ ዘያድ ምን “አብ” ለመሰሉልየተ ዕብዮት ወለ ተርብየት ዲብ እምተ ከለ እም ዳርሰት ወዕልምት ዶል ገብእ ነጃሐት ናዩ ዕዳል ሸክ አለባ።

አዜ ለአዋልድ አንሳት ሳወ ልትከረየ ሰበት ኢሀለየ ለመሰምስ ናይ ሀዳይ ወለ መሰሉ ለዐቤት ደረጃት ተዕለም ክም ትትፈደል እግል ንፍሀም ሆሉት እግል፤ ምን ሀዳይ ንብጠር አው ንእዘም በለቹ እንዴ ኢገብእ ሀዳይ ልሸፈግ ወለአድግ ይተርፍኒ በክት ናይ ተዕለም ላኪን

እግል ልሕለፍ አለቡኒ ዲብ ወቅቱ እግል ልትረከብ ሀለ እሊ ከሰበት እሊ ዮም ርኩብ ለሀል በክት ፈጅር ሰበት ኢትረከብ ዮም ምሰተቅበል አጅያልን ክም ልትሐቀቅ ኒዴ ወእንሻለህ ሰነ ገብእ አዜ እንዴ ትርእዩ ምን ወቅት እት ወቅት እበ ገብእ ለሀለ ድራሳት ወተዕቢኣት እንዴ ሰነ እግል ልምጸእ ቱ እብል። አዜ ክም መሰል አፍባቡት ምን እንሰሚ ሳወ ወኩልዮት እንዴ አትመመየ እብ ዲፕሎማ ወዲግሪ እንዴ ከለሰየ ብዙሓት አዋልድ ዲብ ትፈናተ አሸቃል ሕኩመት ዐቢ ዶር ለአገድየ ሀለየ ወእንሻለ ዐቢ ተቅዶር እግል ልምጸእ ሰአየትን ዐባይተ።

ሰኣል፡ እንተ ዲብ ምዴርየት አፍባቡት መሰሉል ከደማት ዓፍዮት እንዴ ገአክ ትሸቄ ሆሉክ ወእለ እግል ናሰ ዐባይ መሰሉልየት ዲብ እንተ ምሳሌ ለትፍናተ አሸቃል ትሸቄ ለሹቅል ሚቱ ወኮፎ ተዕሬቡ

በሊሱ፡ አወል ምን ሹቅዬ ዝያድ እሊ እሸቄ እግል ቲበል ኢለትሐዜኒ ሰበቡ ለእለ ሸቄን ምን እንሸቄ ዋጅብናቱ እለ ወጠን ወሸዐብ እግልሚ አድረሱን እግል ንክደሙ ቱ ለኢደፈዕ እንዴ ደፍዐ ከእለ መርሐለት ለአብጸሐኒ ከዲብ አዩ ሹቅል እግል ንክደም ዋጅብቱ፤ አዜ ሐቆ ሰአልከኒ፡ አነ አምበለ ዲብ ውዛረት ዓፍዮት ለእሸቅዬ ሹቅል ክምሰል መሰሉል ፈደሬሸን ኩረት እግር አንዴ ገአኮ እሸቄ ዲብ ናይ ካልኣይት ደረጃት መደረሰት ወኪል ልጅነት ዋልዴን፡ ዲብ መሕበር ወጠን ሸባብ ወደረሰ ኤረትርየ ፈረዕ ምዴርየት አፍባቡትም ዲብ ተንዘም ሸባባት ሸቃለ ሕኩመት እሸቄ ወአምበል እሊም ብዘሕ ሀለ ሳኪን ለሰኣል ሰበት ፋጅአክኒ እቡ ገሌ ምኑ እግል እትረሰቡ እቀድር ዲብ እሊ ወለ መሰሉ እሸቄ ወአምበልሁም ዲብ እዳረት ናዩ ምዴርየት ለልትሸቄ አሸቃል ዲብ ፈናተ አሸቃል እሻርክ።

ሰኣል፡ ወቅትክ ኮፎ ትንዘሙ ለጸብጡ ሆሉክ ሸቅል ክደማት ዓፍዮት እግል ናሱ ፋይሕቱ ከምሰል እሊ ወቅትክ እብ ኮፎ ትንዘሙ

በሊሱ፡ ናይ ወቅት ወለ ሐቱ ምሸክለት አለቡኒ ብዘሐቱ ናይ ሸቅል ዛቱ ወቅትክ ንዘም እግልክ ከአዜ ወቅት ሐቆ ነዘምካሁ እግል ልሕጨር ዲብክ ኢቅድርኒ አነ ወቅቹ እበ ቀለት ገበይ እትነፈዕ እቡ አሰቡ ለእሙር ሹቅል ናይ ውዛረት ዓፍዮት ሀለ እግልዬ ሆቱ ሆዩ ምን ሳዕት 8 ወሐር ለውዛረት ለጠልቡ ምንዬ ሹቅል እሸቄ ወዲብ ናይ ምሳ ሆይ ለእሊ እብለክ ዐልኮ አሸቃል

ኩሉ ክል ሐቱ ክመ እለ ስርዕት ሆሉት እሸቃልዬ አገዴ፡ ወለ ናይ ልጅነት ለእቤሉ ናይ መድረሰት ቱ ሸሀርዬን ከእጅትመዕ ብነ እሊ እሙር ሰታቲብቱ ወቅቱ ወሳዕቱም እሙርቱ ከሰበት እሊ ኢኩብደኒኒ አምበል እሊም ዲብ ቤት ሐውዬ ነኣይሸ ወውላድ ሕቼ ሀለው እሎም አደርሶም ፍርሰት ናይ ሰዳይት ዋዳ እሎም አነ።

አዜ እሊ ኩሉ ለእሊ እንቤ እብ ስታት ሐቆ ትነፈዕካቡ ለዕሰረ ወአርባዕ ሳዕት ካፍያተን ኢኮን 24 ሳዕት ንዮት ሐቆ ሆሉት ዲብ ሰር ሳዕት ለተአወቅዩ ሹቅል ብዘሕቱ ከአዜ አወል ለእንርእዩ ንዮት ተ እግል ንሸቄቱ እንዴ እንቤ እግል ንትብገሰ ሆሉት



እግልን ሹቅል ሐቆ ሰአንክ ዶል ከዲብ አካን ሐቱ ዲብ በጥር ለአምዕል ኮፎ ክም ምሴት ወለ ሳሊ ኮፎ ክም ጸብሐት ኢልደሌ እነኒ ከኖሱ ዲብ ሳሊ ወአምዕል እግል ትፈንጅቱ ክብድ እትክ ከወለ አልፍ ሹቅል ምን ለሀሌ እካም ምንክ ለልትጠለብ ወቅትክ ንዘሞት ሌጣቱ አዜ ብዘሕ መሰምስ ልትሰመዕ ምሰል ሹቅልን ወቅት ሐጭረ ዲብን እግል ነዕሬ ኢእንቅድርኒ ወእለ ሳምን እለ አሸቃልዬ ብዘሕ ሀለ ኢዕሬ እብካኒ ወለ መሰሉ ሀገጊ ልትሰማዕ ከብዘሐ ሹቅል እግል ናሱ ወቅትክ ነዘም እግል።

ሰኣል፡ ኮይስ አልአሚን ዲብ ደንገብ እግል ኩሉ እሊ ለእቱ ንትንጌ ዐልነ አርእሰ ሙቃብላትን ወእብ ፍንቱይ ዲብ ሸባብ

እንዴ ረከዘኩ እንዴ ከምከምክ ሚሊትመሰል ልእኩት እግል ተሓልፍ ተሐዜ ብክት እግል ሀዘክ

በሊሱ፡ አወል አርት እግል ነፍሱ ምን ክምቱ እግል ለአምረ ሆሉት እሊ፡ ዔጸት ናይ ወጠንቱ፡ ሳብ ነጅሐ ወትቅደመ ምንጌ ክሉ ልምጅተመዕ ናጄሕ ወቅዱምቱ ወለመ ወጠን ትትክደም ወእለሻብ እግል ልትቀድም ገአ ምን ገብእ ለእቡ ልትቀደም አሰሉብ እግል ሊዴ ሆሉት እሊ ለኖሱ ልትቀደም ዐውቴታት ወእግል ወጠኑ ለከድም እቡ አግቡይ ወአሰሉብ እግል ለአምሩ ወልትሓፈዝ እቱ ሆሉት እሊ እብ እሙር ሀደፍ እግል ልሸቄ ሆሉት እሊ እብል

እግል እንበር ሚእግል እበል ሆሉት እዩ እንዴ ቤለ እብ መሰተቅበሉ እግል ልሕሰብ ወገለ ምኑ ወለዐል ለሀለው መሰል ሰነት ለገአው ምኖም ተጃርብ ናይ መድረሰት ልግባእ ወሸቅል ክም ረከብ እግል ሊዴ ሆሉት እሊ፡ ቅንእ ዲብ ብዕድ እግል ልግባእ አለቡ ዲብ ኢኮን ዲብ ተጠውር ወድራሰት እግል ንቅንእ ሆሉት እግል፤ ወእግል ነኣምረ ለብነ ሀደፍን አው ሐያትን ፈቅዋ እብ ድራሰትመ እኮን ለልትአከድ ለትፈናተ ዐባት ለአርኤ አሸቃል ናዩለ ፈናተ ምሆናት ሀለ ዲብ እሊ ክም ነዐቤ ወሐያትን ለእመ'ርሕ እቡ አሰሉብ እግል ነፍትሸ ወጅብ፡ ሻብ ሙባሕሰ አው መትመራምራይ እግል ልግባእ ሆሉት እሊ።

ሐቆ እሊቱ ለእግል ርሕክ ምጅተመዕክ ወወጠንክ ለትገብእ፡ በሰ ለዕቤት ምሀመት ዘበ'ን ግምሽ እግል ነኣልፍ ክም አለብነ ሸባብ ዘበኖም አምበል ሹቅል ዶል ለኣሉፍ ፈንገሕ ፈጅር እግል ለአትዕሰናቱ እግልሚ ለሻብ አብ ሐለቱ ዲብ ሀለ ዮም እግል ልሸቄ ሆሉት እሊ፡ ፈጅር ሐለት ክም ደዐፈት፡ እብር ክም መጽአ ወሕማም ክም ሳደፍፈ ሸቄት አለምክ ወምራድክ ኢትረከብ ሀግዮ አፍ እንዴ ገአክ ዲብ ጋድም በሃሉ ተርፍ ወለ ኢትሐልፍ ትዕሰ እበ ትትመጨር ነብር።

እት እዋን ሸበት ለኢትሸቄት ፈጅር እት ዕምር ሸኢበት ኢትትብለዕ ከሰበት እሊ እግል ምሰተቅበነ እግል ንሸቄ ሆሉት እግልን እብል ከሸባብ አሸቃል ናይ ወጠን ጸር ናይ ሹባን ሰበት ተ ለእለ ራፍዓም አማነት እንዴ ሐጠዋናህ እግል ንሸቄ እበ መሰሉልየት ክል መዋዋን ምንማተ ዝያድ ሳኪን ራፍዐተ ወዌርሰተ ሕነ ለሸባብ ቱ ከሕነ ክም ሸባብ አወል ወቀደም አዋራፍን እግል ነኣምር ሆሉት እግልን አዋራፍክ ለበሀለት ለሆሉክ እቱ ድዋራት ኮፎቱ ዲብ ሰላም ወመሰኩበት ለብቱ አማክን ትነብር ሆሉክ ሚኮፎ እግል ተኣምር ሰነ ምሀምቱ እብ ሰበት ሓለት ወጠንክ ወግዋሬክ ለሆሉት ሓለት አምን ወሰላም አምር እግል ለሀሌ ምሀም ጋርቱ ዮምክን ብዘሓም ፈተቸክ ዲብ እኪትክ ለሐሰቦ ወፈክሮ ከእንተ ምኖም ወለዐል እንዴ ገአክ ዶል ጽንሕ ዝያድ ዕውት ገብእ ከለ አማነት እግል ትሰበት እብ ገበይ ዕልምየት ክም ንትዐውት እግል ኒዴ፡ እለ ወጠን እግል ዐባተ እግል ንሸቄ ሆሉት እግልን ወእንሻለ ረቢ እብ አማነትን ሰዳኒ ወዲብ እሊ ነሐዜ መባጽሕ እምበጽሕ፡ ወእግል መትሐሳርኩም ዲብ ሐምድ ሹክረን እብል።

እሊ ሆይ ለሐሰት መንበረት



ዓዲት ሺመት ብጹእ አቡነ ባሲልዮስ- 6^ይ ፓትርያርክ ወርኢስ ሊቃኔ ጳጳሳት ኤረትርያ



ትተለው ንዛም ቅዳሴ ወደው። ምን ሳዕት ሰቡ አሰቡህ ወሐር ሆይ ማርሐት ደያነት ናይ ኦሪገንታል አብያት ክሰታን ሙደረኡ ማዕከላዊ ወጻዥ ክምሰልሁሙ ሙራታት ዐባይ ዲብላ ዓዲት ቅብኡት ብጹእ ወቅዱስ አቡነ ባሲልዮስ እግል ልሻርት እት ከኒሰት ቅድስቲ ማርያም ደብሪጽኦን አተው።

እት ሐረትላ ቤትክሰታን እት በጽሐው ዲብ ኢነት ሆይ፣ ጥዋፍ እንዴ አብረሀው፣ እብ ልባስ ጸዓዲ ለንወራም ሸባብ ደረሰ ሰምበት፣ እት ክልኡት ሰፍ እንዴ በጥረው ከባቢር እት ልትዘበጥ እሎም፣ እብ አናሺድ ወናይ ሕሽመት ሐረከት(ሽብሽብ) ትክበተም። ስርዐት ሺመት ወጸሎት ቅብኡት ብጹእ ወቅዱስ አቡነ

ዲብ የም 26 ጃንዋሪ 2025 መድሐራት ሺመት ወቅብኡት ብጹእ አቡነ ባሲልዮስ- 6ይ ፓትርያርክ ወርኢስ ሊቃኔ ጳጳሳት ኤረትርያ ዲብ ቤትክሰታን ቅድስቲ ማርያም ደብሪጽኦን እብ ስርዐት ናይረት ተ'መት።

ለአክልሕድ ሰር ላሊ ለአንበተት መድሐራት፣ ሰብከት ገባኤ ርእሴ አድባራት ቅድስቲ ማርያም ዲብላ ሐድረው እቲ፣ ሊቃውንቲ ሐምዴ እግል ካልቅ ወዳ ሐቆለ ትመዩው፣ ሳዕት አርበዕ ጽቤሐ ምድር አቤምኔታት (መሰኡሊን) ገዳማት ኤረትርያ፣ ወካይል ሀገራ ስብከታት፣ ሊቃኔ መናብርቲ፣ ክምሰልሁሙ ሀገራ ስብከታት አሰመረ ወዐባይ ዐድ አሰክ ቅድስት ቤት ክሰታን ማርያም ተንክረው።

ሐቆ እሊ፣ አቡነ ባሲልዮስ እግል ብጹእነቶም ለሸፊሕ፣ ጳጳሳት ወሊቃኔ ጳጳሳት እንዴ ትክለለም እብ ሕሽመት ስርዐት ሺመት እግል ትግበእ እሎም አንበተት። አምኡት ሙእሙኒን ወሙእምናት ሆይ፣ እብ አናሺድ መንፈስ ዲብ ረኣስ አድባራት ደብሪጽኦን ቅድስቲ ማርያም፣ ስርዐት ጸሎት ወደው። ቅዱስ አቡነ ባሲልዮስ እብ ጀሀቶም እብ ሊቃኔ ጳጳሳት እንዴ

ባሲልዮስ ሳድሳይ ፓትርያርክ ወርኢስ ሊቃኔ ጳጳሳት ደውለት ኤረትርያ እብ ሕሽመት ዛይደት እት ገብእ፣ ሰዐት ሰቡ ወሰር ርኢስ ኢሰያስ አፈውርቂ፣ ውዘረኡ፣ ውቁላም ሰብ ሰልጠት ሕኩሙት ወጀብሀት፣ ዲብ ኤረትርያ ለመርከዞም ሱፈረኢ ወዲፕሎማሲዩን ዲብላ ሐድረው ዓዲት ሺመት ወጸሎት ቅብኡት እብ ማርሐት ቅዱስ ሲኖዶስ ገብኡት።

እትላ ሰዐት እላ አቡነ ባሲልዮስ እብ ሊቃኔ ጳጳሳት እንዴ 'ተለው አክሊል ሕሽመት ለብሰው። እትላ እብ ጀላል ወቀሎተ ላተ መናሰበት፣ እግል መደት ረያም ናይ ቀበት ዐድ ወካርጅ ሊቃኔ ጳጳሳት፣ ጳጳሳት፣ ከሆናት ወዲያቆናት ወእብ ዓመት ሙእሙኒን ክርንቶም እንዴ ወቀለው፣ እብ ቀን ጥዑም "ይደልዎ ብጹእ ወቅዱስ አቡነ ባሲልዮስ" ቤለው። እሊ በሀለት፣ "ለአሰትሁለ" ለትብል ልእከት ለጸብጠት እት ትገብእ፣ ለሊቃኔ ጳጳሳት "ይደልዎ (ለአሰትሁለ!)" በልሶ እቶም ዐለው። ለሸብብ ሆይ፣ እብ አማን ወጅቦም እት ልብል ደሐረ እግሎም።

ሐቆ እሊ ለሊቃኔ ጳጳሳት እግል ሳድሳይ ፓትርያርክ ደውለት ኤረትርያ "ብጹእነቶም ወቅዱስት ክድመትኩም እግል ሸብኩም ወደውለትኩም



እግል ቲደው እንሸይመኩም ሀለን" እት ልብሎ፣ እብ መስቀሎም ባረከው እሎም። እንዴ አትለው ለብጹእም አበው፣ ጅ'በት ሕሽመት አልበሰም። ብጹእ ወቅዱስ አቡነ ባሲልዮስ እብ ነሳሐት ወአማን ሸቦም ወወጠናም



እግል ልክደም፣ እብላ አበው ለብጹእም እብ ሕሽመት ብሉተ ለብሰው ወመስቀል እዴ ትክበተው።

ሐቆሆም፣ ኦሪገንታል አብያት ክሰታን መሰር፣ ግሪክ፣ ህንድ፣ አርሜን፣ ሱርያ፣ ፋሰዩ...እብ ተርተረት እብ ሀገሪም እግል እሎም ቅዱስ አብ ለካልቅ ደቅብ እግል ለሀቦም ጸሎት

ሺመት ወደው እሎም። ለመናሰበት እብላህ ግርም ዲብ እንተ፣ እግል ሙእሙኒን እብ ተአሰትህል እግል ልምርሐ፣ ምን አማን ዓም ቅዱስ ሲነዶስ አቡነ ሉቃስ ሞረ ሺመት ትክበተው።

ሐቆ እሊ፣ አቡነ ባሲልዮስ ዲብላ እብ ትምሳል ወአሻይር ሰለስ ሰላሴ ለትዳለ ሰለስ ደረጃት ለብእቲ መሰረሕ እብ ምርምር እት ፈግሮ ረሰሚ እት መንበር ፓትርያርክት ትገሰው። ለመናሰበት ቅብኡት ክም ተመት ሆይ፣ አቡነ ባሲልዮስ እት ትዳለ እሎም መንበር እንዴ ትገሰው እብ መስቀሎም እግል ክሎም መሻርክት ሊቃኔ ጳጳሳት ወጳጳሳት ባረከው።

ግራሁ፣ ልእከት ሲኖዶስ እብ አቡነ ዮሐንስ ትቀረኡት። ለእብ እት ሸርሎም፣ አቡነ ባሲልዮስ ዲብላ ምዕል መሰኡልዮት ዐባይ ወክብድት ራፍዓም ክም ህለው ሸርሐው።

ብጹእ ወቅዱስ ሳድሳይ ፓትርያርክ ወርኢስ ሊቃኔ ጳጳሳት ደውለት ኤረትርያ አቡነ ባሲልዮስ ቀዳም፣ እት እምነቶም እንዴ ሐ'ጠው፣ እብ ቃትን ወደያነት እብ ቀልብ ናሴሕ ወደሚር ፋቶሕ፣ እምበል ፈናታይ ሸቦም እግል ልክደም እት ቀደም ሸብብ ወሕኩሙት ወአምኡት ሙእሙኒን መሐለው። ለዳቅብ ካልቅ ኤማን ሳብት ወደቅብ እግል ለሀቦም 'ተምነው። ሙእሙኒን ሆይ ተአመርተ ፈርሐቶም አጣቀወው ወዐለለው እሎም።

እብ አሳስ ቃትን አርቶዶክስ ተውሃዶ ቤትክሰታን ኤረትርያ ማደት 83፣ ናይ ሕበር ውፋቅ ፕሮቶታል እት ፍንጌ መሰር ወኤረትርያ፣ ክል ቤትክሰታን ናይ ናሰ ፓትርያርክ እግል ትሕራ ሐር ተ። አርቶዶክስ ተውሃዶ ቤትክሰታን ኤረትርያ ሆይ፣ እተ ሐልፈዩ 25 ሰነት ሐምስ ፓትርያርክ ሸይምት ህለት።

ሰዐት ሰዕ ወሰር ክም ገብእ፣ ተእሪክ ሐያት ሳድሳይ ፓትርያርክ ወርኢስ ሊቃኔ ጳጳሳት ደውለት ኤረትርያ ብጹእ ወቅዱስ አቡነ ባሲልዮስ ትቀረኡ። አቡነ ባሲልዮስ ምን ንእሾም ዲብ ሃራር ሐያት መንፈሴም ለወደወ ዐባይ ናይ ደያነት፣ ዐማር፣ ምሀር፣ ወመንፈስ አሸቃል ትፈሰረ። ብጹእ ወቅዱስ አቡነ ባሲልዮስ ጀላ ሕሽመት ደያነት ወዓዳት፣ ፍቲ ወውሕደት ሸቦም ወወጠናም ለወደወ ወቀይ ዐበሙ እብ ሐት-ሐቲ ትቀደሙ።


ሐቆሁ ለተለ በርናመጅ ለአይክ መዝማዕት አድያን ወሊቃኔ ጳጳሳት መንጠቀት ወእድንዮ፣ ልእከታት ፈረሕ ወአሰናይ እንዴ አሰመወው፣ ለትፈናተ ሀድያት እግል ሳድሳይ ፓትርያርክ ኤረትርያ ሀበው።

ሳዕት ዐሰር ክም ገብእ፣ ሓይሰ ርኢስ ኢሰያስ አፈውርቂ ምሰል አቡነ ባሲልዮስ እትላ መድሐራት እግል ሻረከው ጋሽ ወሊቃኔ ጳጳሳት እንዴ ትሳለሙ ሱረት ገዝረት ነሰአው። ለበርናመጅ ሆይ አሰክ ሰር ምዕል አተላለ።

እት ደንገቤ ብጹእ ወቅዱስ አቡነ ባሲልዮስ እብ ዕላት ሙእሙኒን፣ አናሺድ፣ ሽብሽብ ወጀደበት ጳጳሳት፣ ሊቃኔ ጳጳሳት፣ ከሆናት፣ ዲያቆናት፣ ደረሰ ሰንበት ወዕዙም ጋሽ፣ ክምሰልሁሙ እብ ሴር ዐጀላት ሞቶር ወመካይን እት ልትመርሐ አሰክ መክተብ መንበር ፓትርያርክ ተውሃዶ ቤትክሰታን ኤረትርያ እተ ትዳለ እሎም ዳስ ምግሳይ ሕሽመት ጸብጠው።

ለዓልያም ሰብ ሰልጠት ሕኩሙት ወጀብሀት፣ ሙእሙኒን ወናይ ሕሽመት ዕዙማም እት አቡነ ባሲልዮስ ሰላረከው ንዕመት ሕበር ተዐገለው።





ዲር ለዳውን አንደር ተመ



እት ዱር ዳውን አንደር ለሻረከው ሄናክ ወናትናኤል

እግል 25 ኢት እት ዱላት አውሰትራልየ ለገብአ ዱር ሳንቶስ ዳውን አንደር፡ ለሐልፊት ሰንበት ዐባይ ሳድስ መርሐላቱ እንዴ ወደ ተመ።

እሊ እት መዲነት አደላይድ ለገብአ 90 ኪሎምትር ለገልበበ ናይ ዙሪት ጅግራ፡ መትባድራይ ሆንሰግሮብ ሳም ምልሰፎርድ እብ 1 ሳዐት፡ 53 ደቂቀት ወ14 ካልኢት ተዐወተ ዲቡ።

እት አወላይት ወካልይት መራሕልም ህቱ ዕዉት ሰበት ዐላ፡ ሳልሳይ ዕዉት ናይ መርሐላት ነሰኢ። እሊ ወድ አውሰትራልየ፡ እብ 90 ንቅጠት ቱ፡ ሸላተ ኣክር ዲበ ለትነሰሪ ከፍሌንጎትለ መርሐላት ለከምተተ።

ነፈር ፈሪቅ ዩ.ኤ.ኤ. ናይ እግራት ጅናታን ናርሻዘ፡ እት ሓምሳይት መርሐላት ምን ጃቬር ሮሞ ለትከበተየ ናይ ወቅት ፍሌንጎት አራንጎኒ እትለ መርሐላትመ ኢትባልሐየ። ናይ ሰልፍ ወድ ኤኳዶር ዕዉት-ወቅት ናይ እሊ ጅግራ ህይ ነሰኢ።

ምስል ወጠንያይ ፈሪቅ ናይ አውሰትራልየ ለትጃገሪ ፈርገሰ ብርዊንግ፡ እብ 58 ንቅጠት

ፍሌንጎት ሐየት ሰጋደት እበ ዕዉት ሀላ። አልበርት ፍሊፕ፡ ለሐሰ ሻብ መትባድራይ ዐጀለት ናይ እሊ ጅግራ እንዴ ገኡ፡ ፈሪቅ ሊድል ትራክ ምን ክሎም መትጃግራቱ

3 ደቂቀት ወ15 ካልኢት ምን አወላይ ለአተ እንዴ ደንገሪ 31ይ፡ ወነፈር ፈሪቅ ዐጀላት ሞሽሰታር ለሀለ ናትናኤል ህይ፡ 4 ደቂቀት ወ16 ካልኢት እንዴ ተአከሪ 33ይ አተው። ለተሌ ጅግራታት እሎም ሸባብ መትባድራት ዐጀላት ምን አውሰትራልየ እንዴ ኢፈግሮ፡ ፈጅር 30 ጃንዋሪ እት ናይ ሐቱ ምዕል ጅግራ እግል ልአተው ቱ።

እሊ ክኢነ ዲብ እንቱ፡ ማሌ ራብዎይት መርሐላቱ ለተልሀ ዱር ሻርቀ እቱ፡ ዴግሮስ መንግስ ምን ዕዉት እብ 1ይ፡41ካ፡ እንዴ ደንገሪ 15ይ አተ።

እሊ 132.32 ኪሎምትር መሳፈት እተ ለገብአ ጅግራ፡ ወድ አውሰትራልየ ጆስ ኬፕ እብ 3ሳ፡ 09ይ፡47ካ፡ ተዐወተ ዲቡ። እት ፈሪቅ እስታንቡል ናይ ቱርክየ ለልተልሀው ውላድ ፈሪቅ እግል ዴግሮስ ላቶም ኤሽን የማኔ ወናትናኤል ብርሃኔ ደርብ-



ዕዉትለ ጅግራ ጅናታን ናርሻዘ

ፍሪቅ ሰልፋይ ጋብእ ሀላ።

ምን እትሊ ጅግራ ለሻረከው እርትርዩን መትባድራት ህይ፡ ሄናክ ምሉእብርሃን ወናትናኤል ተሰፋጾን እት ገብኡ፡ እተ ናይ ካቲመ መርሐላት ወቅት እንዴ ኢከሰር፡ 19ይ ወ80 ተርቲብ ረከበው።

መትባድራይ ፈሪቅ አስታና-ሄናክ፡ እት ዕሙማይ ወቅት

ሐድ 2ደቂቀት ወ28 ካልኢት፡ ክምሰልሁመ 3ይ፡24ካ፡ እንዴ ደንገራው፡ ደረጃት 22ይ ወ39ይ ርቱግም ህለው።

እሊ ጅግራ ማሌ ምሴት ጀሪደትን ሞባዐት ክም አቱት፡ እት ናይ 121.87 ኪሎምትር መሳፈት ሓምሳይት መርሐላቱ አቲ ምንመ ዐላ፡ ለፍገራት ንቀጥ ኢበጽሐተኑ።

ጅግራታት ዐጀላት መዳርስ አቅሊም ምግብ አንበተ



ጅግራ ዐጀላት ማውንቴን ባይክ መዳርስ ካልኢይት ደረጃት አቅሊም ምግብ፡ ማሌ ለሀ ደረሰ 2ይት ደረጃት እበ ወደወ ጅግራ አንበተ።

እት መትጃግራት ምግር 17-18 ሰነት ውላድ ምን እንረኡ፡ ምን መሐጠት ጎዳይፍ እንዴ ትብገሰው መዲነት ደቀምሐሪ እንዴ በጽሐው ክም አቅበለው፡ ናይ 80 ኪሎምትር ለገልበበ ጅግራ አከድን ወደው።

ዲበ እት ሳዐት 35.4 ኪሎምትር እት ከይዶ ለአትመመው ብድረ ዐጀላት፡ ምን መድረሰት እምበሀሪ መትጃግራይ ነስረሊህ ዐብደልረዛቅ አወላይ አተ። ናህ ፍሰሃይ ወሻም ደባሳይ ምን መድረሰት ካልኢይት ደረጃት ደንደን ህይ፡ 2ይ ወሳልሳይ ገብአው።

እብለ ፍገራት ህይ፡ ነስረሊህ እብ ሰስ ንቅጠት መሬሕ ዲብ ሀላ፡ ናህ እብ ሐምስ ንቅጠት ወላሚክ ክዳኔ ምን መድረሰት ልምዓት እብ አርበዕ ንቅጠት ደርቡ ህለው።

እሊ ጅግራ፡ ማሌ-ለሀ አትኒን፡ እብ ለትፈናተ ምግር እት ጸጸራት - ድዋራት ገበይ ስፕሮስ-2000 ትሉሉይ ውዕል ቱ።

እብሊ ህይ፡ ምን እት ሰማን ኪሎምትር ለትጃገሪ ምን ምግር 12-14 አዋልድ፡ ደረሳይት መድረሰት ሞዴል ፍፍታ የማኔ ተዐወተት። ሃና ተክኤ - ምን መድረሰት ናጽነት፡ ወትምኒት አበዶም - መድረሰት ሄለል ሰብተምበር ህይ ደርቦ ትረተበዩ።

ምግር 12-13 ሰነት ውላድ ህይ፡ እት 18 ኪሎምትር ትጃገራው። ሄናክ እየብ - ምን መድረሰት ባና፡ አቤል ሰለሙን - ምን መድረሰት ሐርበኛታት፡ ናታን ፋትሰ - ምን መድረሰት ፈለግ ህይ፡ ምን አወላይ አስክ ሳልሳይ ትረተበው።

እሊ ዲብ ለትፈናተ ምግር ለሀለው ውላድ ወአዋልድ ደረሰ ለከምክም ጅግራ፡ ማሌ ወ የም ምዕልመ እት መሳፋት ብዘሕ ገብእ ውዕል ቱ።

አልህላል፡ ዕዉት ሱፐር ካስ ገብኦ

ፈሪቅ ኮበሪት እግር አልህላል፡ እት የም 26 ጃንዋሪ እት ስታድዮም ከረን ፈሪቅ ዐንሰበ እንዴ ቀልቱ ካስ ሱፐር ናይ ውቁል ፍሪቅ አቅሊም ዐንሰበ ሀረሰ።

እሊ ሻምፕዮን ትልህታት ኮበሪት እግር ውላድ፡ እት ፍንጌ ፍሪቅ ዕዉት ናይላ ሐልፊት ሰነት ሰልፋይ ለፈግሪ ፈሪቅ ዐንሰበ ወካልኦየ ለአወልወለ ፈሪቅ አልህላል ቱ ለገብኡ።

እሊ ትልህታት ምን ናይ ሰልፍ 15 ደቃይቅ እንቡተተ ለትሳዌት ወዲብ ምግብ ሚዳን ለትክለበት ምንመ ዐለት፡ ምን ገጽ ሐር ላኪን ፈሪቅ ዐንሰበ እዴ ሰላሊት እንዴ መልክ ምን አፍያት አልህላል ጀርቤታት ብዘሕ እግል ሊዴ አንበተ። ምናተ፡

አልህላል'መ ይሐወነ - ናይ ረድ-ፍዕል ህጅማት እት ለሀርሱ ጨቅዋ እት ፈሪቅ ዐንሰበ እግል ሊዴ አንበተ። ቀደም ዕርፍ ላኪን፡ ጎል ለአተ ፈሪቅ ይዐለ።

እት ካልኢይ ሾት፡ አልህላል ጀርቤታት እት ወዴ እግለ ትልህታት አርወሐት በልሰ ዲቤ። እት 75ይት ደቂቀት ላኪን ሐርስ ፈሪቅ ዐንሰበ ምን አፍያቱ ረዩም ለዐለት ኮበሪት እግል ልጽቦዋ ሰበት ጀረቤ፡ እብ ከርት ቀዩሕ ምን ሚዳን ትጠረዘ።

ለተርፈ ደቃይቅ፡ ፈሪቅ ዐንሰበ እብ ዐስር መተልህየት ናቅሰ ዲብ እንቱ ትልህታት አተላለ። ፈሪቅ አልህላል ላኪን ለበክት እግል ልርበሕ ምን ኢደቅቤ። ከለትልህታት 0-0 ፈግረት። ኣክራቱ ሪጎሌታት

ክም ዙብጠው፡ አልህላል 9ኡብ8 እንዴ ቀልበ ካስ ነሰኢ።

እትለ ትልህታት፡ እብ ብዘሐሕ



ፈሪቅ አልህላል ምስል ካሱ



ዓዲት ሺመት 6^ይ ፓትርያርክ



ዲዛይን - ታእዛዝ ኣብርሃ ሰወር - ኣክሊሉ ዘርእዝጊ ኣብርሃም በዩነ